


13112  
8549.7  
30-26



說文解字義證

卷三十四

第二十四冊



說文解字第十一

義證第三十四

曲阜桂馥學



水出東郡濮陽南入鉅野從水僕聲

博木切

水出東郡濮陽者水經注瓠子河云秦始皇置東郡治濮  
 陽縣濮水逕其南故曰濮陽也又引京相璠曰濮水故道  
 在濮陽南水經瓠子河出東郡濮陽縣北河東至濟陰句  
 陽縣為新溝又東北過廩邱縣為濮水馥案此乃濮之枝  
 渠地理志陳留郡封邱縣渠水首受沛東北至都關入  
 羊里水酈注瓠子北有都關縣故城縣有羊里亭瓠河逕  
 其南為羊里水釋例土地名哀二十七年傳濮下注云濮  
 自陳留酸棗縣受河東北經濟陰至高平鉅野縣入濟史  
 記衛世家石碯與陳侯共謀因殺州吁于濮索隱曰賈逵  
 云濮陳地按濮水首受河又受汴汴亦受河東北至離狐  
 分為二俱東北至鉅野入沛則濮在曹衛之間賈言陳地  
 非也若據地理志陳留封邱縣濮水受沛當言陳留水也  
 春申君傳王又割濮磨之北集解云徐廣曰濮水北於鉅  
 野入濟馥謂此皆濮渠也南入鉅野者地理志東郡濮

陽縣下應劭曰  
濮水南入鉅野

灤

切

齊魯閔水也從水樂聲春秋傳曰公會齊侯于灤

盧谷

齊魯閔水也者五經文字灤齊水名玉篇灤水在濟南寰宇記歷城縣灤水在縣西南二百步曾鞏齊州二堂記歷城之西有泉涌出高或至數尺其旁之人名之曰趵突之泉蓋泉自渴馬之崖潛流地中而至此復出也其注而北則謂之灤水水經注濟水云濟水又東北灤水入焉水出歷城縣故城西南泉源上奮水涌若輪又北流注于濟謂之灤口也春秋傳曰公會齊侯于灤者桓十

灤

水在魯從水龍聲

苦郭切

水在魯者春秋襄十九年取邾田自灤水杜注灤水出東海合鄉縣西南經魯國至高平湖陸縣入泗哀二年季孫斯叔孫州仇仲孫何忌帥師伐邾取灤東田及沂西田范甯云灤沂皆水名九域志兗州鄒縣有灤水寰宇記費縣

灤水源出縣西南連青山下左氏襄十九年取邾田自灤水今按水發源自山下東北流又折而西南流入徐州滕縣界水經泗水云又西過瑕邱縣東屈從縣東南流灤水從東來注之灤注灤水出東海合鄉縣其水西南流入邾又逕魯國鄒山東南而西南流春秋左傳所謂嶧山也又西南逕蕃縣故城南又西逕薛縣故城北又西逕仲虺城北又西至湖陸縣入于泗故京相璠曰薛縣灤水首受蕃縣西注山陽湖陸是也經言瑕邱東誤百

淨

魯北城門池也從水爭聲

士耕切又才性切

魯北城門池也者顧炎武曰公羊閔公二年傳桓公使高子將南陽之甲立僖公而城魯或曰自鹿門至於爭門者是也或曰自爭門至於吏門者是也注爭門吏門竝闕按說文淨魯北城門池也从水爭聲士耕切是淨門即以此水名省文作爭爾後人以灤字省作淨音才性切而梵書用之自南北史以下俱為才性之淨而魯之爭門不復知矣馥案字或作埒廣韻淨魯城北門池也

灤

水出東郡東武陽入海從水鼎聲桑欽云出平原高


唐他合

水出東郡東武陽者郡國志東郡東武陽濕水出又平原郡高唐濕水出又平原有濕陰縣應劭曰東武陽在武水之陽水經注以武水即濕水六書故云濕漢志作濕禹貢浮于濟漂達于河孟于淪濟漂而注諸海是也史記夏本紀浮於濟漂索隱漂水出東郡東武陽縣北至千乘縣而入于海地理志東郡東武陽禹治漂水東北至千乘入海過郡三行于二十里穆天子傳天子自五鹿東征釣于漂水又云天子飲於漂水之上注云漂水今濟陰漂陰縣音沓揚雄兗州箴濟漂既通水經注河水云故瀆又東北入東武陽縣東入河又有漂水出焉戴延之謂之武水也鄭注尚書漂水出東郡東武陽陳琳為袁紹檄豫州文青州涉濟漂太康地記漂沃縣屬樂陵國元和志齊州臨邑縣漂水北去縣七里通典漂水在漢之東郡東武陽縣今魏郡莘縣有東武陽城無此水矣漂音他合反又棣州蒲臺縣下云漢漂沃縣漢志千乘郡溼沃水經注河水作漂沃又引地理風俗記曰千乘縣西北五十里有大河河北有漂沃城又與隰潤後漢書襄階傳平原隰陰人注云隰陰縣在隰水之南漢書王子侯表濕成侯忠史記作隰即西

河之隰城縣哀二十三年左傳戰於犁邱杜云犁邱隰也釋文作濕云本又作隰隰隸變從累北魏鄭義碑原隰生光又變從累建城鄉侯劉靖碑隰作隰釋地下溼口隰陸德明本作隰荀子不荀篇窮則弃而隰楊注隰當為濕字碑隰又作隰荀子不荀篇窮則弃而隰楊注隰當為濕字書無隰字韓詩外傳作弃而累也五經文字濕兗州水名經典相承以為燥溼之溼別以漂為此字華嚴經音義溼失入反經本有作濕者音他合反此乃平原郡之水名耳廣川書跋郵閣頌釋散關之嶰漂徙朝陽之平燥漂當作濕燥當作燥馥案孫叔敖碑下濕礲確皆以濕為溼字入海者地理風俗記漂水東北至千乘入海唐高宗問許敬宗曰書稱浮于濟漂今濟漂斷不相屬敬宗曰不言合漂者漂自東武陽至千乘入海也桑欽云出平原高唐者此出欽所作地理志班志平原郡漂陰下應劭曰漂水出東武陽東北入海又高唐下桑欽言漂水所出功臣表馴望侯冷廣以濕沃公士又濕陰定侯昆邪魏書地形志樂陵郡有濕沃縣平原郡博平縣有濕水宗俱碑陰平原濕陰郭巨石室畫象平原濕陰韓勅後碑陰平原濕陰王宣蘇衡等題名平原濕陰馬象黃度曰以水經注元和志寰宇記諸書考之濟水最南漂水在中河水最北今者小

清所經自歷城以東如章邱鄒平長山新城高苑博興樂安諸縣皆古濟水所行而大清所經自歷城以上至東阿固皆濟水故道而自歷城東北如濟陽齊東青城諸縣則皆古漂水所行蒲臺以北則故河水所經蓋宋時河嘗行漂瀆及河去則大清兼行河漂二瀆其小清所行則斷為濟水故道也胡渭曰漢志東郡東武陽縣下云禹治漂水東北至于千乘入海又平原郡高唐縣下云桑欽言漂水所出今按禹引河自夫伾山而折而北循大陸東畔入海而漂首受河自黎陽宿胥口始不起東武陽也水經注所敘河水自宿胥口又東右逕滑臺城又東北逕黎陽縣南又東北逕涼城縣又東北逕伍子胥廟南又東北逕濮陽縣北河之故瀆出焉河水又東逕鐵邱南又東北逕濮陽縣北又東北逕衛國縣南又東逕鄆城縣北又東北逕范縣之秦亭西又東北逕委粟津皆古漂水也自周定王五年河徙從宿胥口東行漂州至長壽津始與漂別其津以西漂水之故道悉為河所占而上游較短矣然河之故瀆不經東武陽亦不經高唐迨漢成帝建始末河決館陶由東武陽絕漂水而東北至高唐又絕漂水東北至于千乘入海雖嘗塞治而故道猶存王莽始建國三年復決於此莽為元城冢墓計不隄塞明帝永平中王景脩之遂為大河之經


流自是委粟津以西漂水之故道又為河所占上游益短矣漂水一出於武陽再出於高唐據成帝後言之耳



水出山陽平樂東北入泗從水包聲

匹交切

水出山陽平樂者地理志山陽郡平樂侯國泡水東北至沛入泗沛本或作沛水經注泗水云泡水即豐水之上源也水上承大薺陂東逕己氏縣故城北又東逕平樂縣右合泡水又東逕豐縣故城南又東合黃水水上舊有梁謂之泡橋元和志沛縣泡水即豐水也西去縣百五十步九域志徐州沛縣豐縣俱有泡水或通作苞通鑑步尼公引兵趣苞橋沛縣民燒苞橋夜於林中擊鼓魏以宋兵大至爭渡苞水東北入泗者水經注泡水又東逕沛縣故城南述征記曰城極丸四周壅通豐水豐水於城南東注泗即泡水也



荷澤水在山陽胡陵禹貢浮于淮泗達于荷從水苛

古俄聲切

荷澤水在山陽胡陵者胡當為湖禹貢釋文引作水出山陽湖陵南玉篇荷澤水在山陽湖陵南禹貢山水澤地荷

水在山陽湖陸縣南禹貢豫州導荷澤被孟豬傳云荷澤在湖陸地理志沛陰郡禹貢荷澤在定陶東案括地志謂之龍池又名九卿陂非荷水也鄭注禹貢云自導弱水已下言過言會者皆是水名言至于者或山或澤皆非水名馥案經云又東至于荷然則荷為澤名也傳寅禹貢集解云許氏說文云荷澤水在山陽湖陸而班固以為在定陶何也蓋在定陶者其澤也在湖陸者其流也其流東與泗合在今單州之魚臺魚臺在單之東北百里而近正古湖陸地也水經泗水又屈東南過湖陸縣南酈注地理志故湖陸縣也荷水在南王莽改曰湖陸應劭曰尚書一名湖陵章帝封東平王蒼子為湖陸侯更名湖陸也戴君震曰今漢書地理志山陽郡湖陸下云禹貢浮于泗淮通于河水在南莽曰湖陸應劭曰尚書一名湖章帝封東平王倉子為湖陸侯更名湖陸此條外誤者入泗淮當作淮泗一也通于河當作通于荷二也水在南當作荷水在南三也尚書二字當在禹貢二字上不當在應劭曰下四也應劭時稱湖陸已久所引應劭語宜為地理風俗記湖陸縣之文一名湖當是一名湖陵校漢書者妄刪陵字以起下文有陵字為更名耳五也倉當作蒼六也為湖陸侯當作為湖陸侯七也更名湖陵當作更名湖陸八也道元此注亦

有尚書二字蓋校書者據漢志訛本增入說文荷字下云荷澤水在山陽湖陵引禹貢浮于淮泗達于荷而水經濟水內叙荷水云又東南過湖陸縣南東入於泗水道元注亦引尚書浮于淮泗達于荷今尚書本皆訛作達于河以尚書及前後漢書水經注互有舛誤彼此紛糾僅就一處訂正終難了徹故備論之漢志泗水至方與入沛實入荷故謂之荷沛水經泗水又南過方與縣東荷水從西來注之酈注荷水即沛水之所苞注以成湖澤也而東與泗水合于湖陵縣西六十里穀庭城下水經洙水又東過方與縣北為荷水荷水又東過湖陸縣南東入于泗水案由淮達泗由泗達荷禹貢之故道如此元和志魚臺縣下云荷水即濟水也一名五丈溝西自金鄉縣界流入去縣十里又東南流合泗水胡渭曰荷澤在陶邱之東北相去不遠濟水伏流至陶邱北上奮馳波跳沫東北匯于荷澤又東北絕鉅野至琅槐入海者為濟瀆其一枝東南流至湖陵入泗者後人目之曰荷水漢志湖陵縣下云荷水在南者是湖陵今為魚臺縣地也許慎云荷澤水在湖陵謂澤之下流入泗者亦未為誤自孔傳襲其文曰荷澤在湖陵而遺一水字則在湖陵者為澤矣釋至于荷又增一水字曰荷澤之水則定陶之荷澤與湖陵之荷水無別矣酈道元

時孔傳已盛行故宗其說言尚書有導荷澤之說自陶邱北東至於荷水又以湖陵入泗為澤水所鍾而不知此特荷澤之下流其所鍾則在定陶也且豫州導荷澤被孟豬乃導荷澤之餘波南入于孟豬非謂東南至湖陵入泗之荷水屬乃混而為一種種紕繆皆為孔傳所誤禹貢浮于淮泗達于河說者牽合傳會或指鴻溝引河入泗為禹迹或謂當時必有可達之理今按說文荷字注引禹貢此文則是達于荷非達于河許慎所見蓋古文尚書後人傳寫例以上下文達于河之句改荷為河陸德明又以河音如字遂啟後人淮泗不能達河之疑然其下復云說文作荷工可切水出山陽湖陵南則非九河之河明矣如字之音陸氏誤也金履祥曰浮于淮泗達于河古文尚書作達于荷說文引書亦作荷荷澤與濟水相通而泗水上可以通荷下可以通淮徐州浮淮入泗自泗達荷也閻若璩曰浮于淮泗達于河陸德明引說文作荷蓋荷者澤名為濟水所經又東至于荷者是任豫之東北即徐之西北舟則自淮而泗自泗而荷然後由荷入濟以達于河此徐之貢道也或曰曷不詳言之余曰以上文兗州浮于濟漯達于河次青州便浮于汶達于濟不復言達于河矣又次徐州浮于

淮泗達于荷亦不復言達于濟矣至揚州則沿于江海達于淮泗且不復言達于荷不復言者蒙上文也一層脫卸一層雖由當日水道之自然而其敘法從變字法從簡真屬聖經之筆

**泗**

**受沛水東入淮從水四聲**

息利切

地理志魯國卞縣泗水西南至方與入沛過郡三行五百里

青州川水經泗水出魯卞縣北山酈注地理志日出濟陰

乘氏縣又云出卞縣北經言北山皆為非矣山海經曰泗水

出魯東北余昔因公事沿歷徐沭路逕沭泗因令尋其源流

水出卞縣故城東南桃墟西北墟有漏澤澤西連岡通阜西

北四十許里岡之西際便得泗水之源也博物志曰泗出陪

尾蓋斯阜者矣括地志泗水源在兗州泗水縣東陪尾山其源有四道因以為名元和志泗水源出陪尾山其源有四泉俱導因以為名馥案此皆發源之泗魯語宣公夏蓋於泗淵注云泗在魯城北馥案此謂與洙合流之泗地

理志沛陰郡乘氏縣泗水東南至睢陵馥案泗水之末流過郡六行千一百一十里馥案此受沛之泗泗之末流受沛水者徐鍇本作水受沛水馥案受沛水者即荷水也閻若璩曰或問王伯厚謂漢志有兩泗水其一濟陰郡乘

氏縣注泗水東至睢陵入淮又一泗水魯國卞縣注西南至方與入沛沛自沛之譌其說信乎余曰殆王氏考之不審泗一而已安得復出乘氏乘氏漢縣寰宇記在鉅野縣西南五十七里班固祇當於卞縣下注曰禹貢泗水出陪尾山西南至方與與荷合又東南至睢陵入淮只此已足更進一層睢陵仍當作淮陰泗入淮在今清河縣東南謂之泗口亦名清口睢陵則今睢寧縣治耳馥案水經濟水又東至乘氏縣西分爲二其一水東南流其一水從縣東北流入鉅野澤酈注南爲荷水北爲濟濱馥案漢志乘氏之泗水卽沛水泗既入沛沛又南流爲荷則並受泗之通稱矣說文受沛水沛卽東南流之荷水漢志言入說文言受實不相背說文泗次荷下固有意也水經泗水又南過方與縣東荷水從西來注之酈注荷水卽濟水之所苞注以成湖澤也而東與泗水合於湖陵縣西六十里穀庭城下馥謂此條若不與沛水參看則漢志說文皆不可通闕氏謂泗不得復出乘氏疏矣又案漢志出卞者泗之源也入沛者乃其中流非末流也乘氏有泗者言入沛之後與沛合而東入淮其合沛在乘氏非謂泗出乘氏也蓋沛卽荷故金仁山謂泗水上可通荷下可入淮也說文祇言其受沛入淮而不及其出卞一節者或因此一節與洙水合

流故就其分流受沛處舉之與東入淮者地理志乘氏泗水東南至睢陵入淮馥案乘氏以下之泗水經以爲沛水乃沛之支流合於泗而自乘氏入淮者泗之經流也本書謂受沛水東入淮者沛之支流隨泗入淮實泗入淮也郭注海內東經云今泗水至高平湖陸縣東南經沛國彭城下邳至臨淮下相縣入淮胡渭曰說文泗受沛水東入淮其所謂沛卽荷水也酈善長去沛在湖陸西而左注泗泗按班固謂泗入濟許慎謂泗受濟而不言荷以荷卽濟也水經濟水篇所敘自乘氏以至湖陸卽分濟之荷自沛縣以至睢陵卽入淮之泗也通典兗州刺史劉遐自彭城退屯泗口寰宇記宿遷縣有泗口馥案淮水經宿遷縣界卽泗入淮之處故曰泗口

泗水在齊魯間從水巨野元

趙策相與會於洹水之上韓非子初見秦篇昔紂爲天子甲兵百萬左飲於淇谿右飲於洹谿淇水竭而洹水不流竹書紀年文丁三年洹水一日三絕魏志武帝紀畱蘇由審配守鄴公進軍到洹水北史齊高祖紀同會鄴挾洹水兌文澤字義登



而軍 隋書禮儀志後齊所祭山川有洹

水在齊魯閩者齊當為晉水經洹水出上黨泫氏縣東過

隆慮北又東北出山過鄴縣南又東過內黃縣北東入于

白溝酈注水出洹山山在長子縣也又云許慎說文呂忱

字林竝云洹水出晉魯之閩穰案河朔訪古記亦引作晉

字此水出漳德府林縣東北流至安陽縣城北折而東南

流入衛河去齊地遠矣廣韻洹水名在鄴玉篇洹水出汲

郡隆慮縣成十七年左傳初啓伯夢涉洹杜注洹水出汲

郡林慮縣東北至魏郡長樂縣入清水釋例洹出汲郡林

慮縣東北至信城人張甲河北山經神困之山黃水出焉

而東流注于洹注云洹水出汲郡林慮縣東北至魏郡長

樂入清水隋圖經洹水出隆慮縣西北俗謂之安陽河即

聲伯夢涉之水源出林慮山下平地九域志相州林慮縣

有洹水寰宇記林慮縣漢隆慮縣屬河內郡洹水出縣西

北俗謂安陽河即聲伯夢涉之所源出林慮山東平地林

慮山在縣西二十里輿地廣記相州臨漳縣本鄴縣後周分東北界置洹水縣

漳縣本鄴縣後周分東北界置洹水縣

漳縣本鄴縣後周分東北界置洹水縣

漳縣本鄴縣後周分東北界置洹水縣

洹

河灘水在宋從水灘聲

於容切

河灘水在宋者釋水水自河出為灘又云灘反人郭云即  
河水決出而復入者河之有灘猶江之有汜廣韻作漣云  
水名在宋又作雍淮南人閔訓楚莊王勝晉於河雍之閔  
列子黃帝篇雍水之潘為淵注云雍音擁河水決出還復  
入也釋名水從河出曰雍沛言在  
河岸限內時見雍出則沛然也

澶

澶淵水在宋從水澶聲

市連切

澶淵水在宋者玉篇澶淵在頓邱縣南十三州志澶水在  
頓邱西南三十五里伏流至繁城西南郡國志沛國杼秋  
有澶淵聚水經注河水云大河于頓邱縣而北出東逕縣  
浮水故瀆故瀆上承大河于頓邱縣而北出東逕縣陽縣  
故城南應劭曰縣在縣水之陽張晏曰縣有縣淵春秋襄  
公二十年經書公與晉侯齊侯盟于澶淵杜預曰在頓邱  
縣南今名縣淵澶淵即縣淵也亦謂之浮水焉馥案今本  
杜注繁淵作繁汗云此衛地又近成田范甯亦云衛地九  
域志澶州臨河縣有澶淵寰宇記澶淵在臨河縣東南十  
七里在黎州東北八十里馥案臨河縣魏東黎縣地魏分  
汲郡置黎陽郡所領  
有東黎縣此非宋地

泗水出泰山蓋臨樂山北入泗從水朱聲

市朱切

水出泰山蓋臨樂山者地理志泰山郡蓋縣臨樂子山洙水所出西北至蓋入池水當為泗池本作沱與泗形近誤也戴侗曰大山蓋縣今沂水縣寰宇記沂水縣本漢東莞縣漢蓋縣城在縣西北八十里本齊邑漢以為縣景帝封王皇后兄信為蓋侯後漢屬泰山郡隋開皇十六年於此城置東安縣屬莒州後廢入沂水縣又云艾山一名樂山在新泰臨樂山一名雕崖山在蒙陰縣東北一百三十里沂水縣西北一百七十里水經洙水出泰山蓋縣臨樂山西南至卞縣入于泗酈注地理志臨樂山洙水所出西北至蓋入泗水或作池字蓋字誤也洙水西南流于卞城西故城兩水之分會也洙水西北流逕孔里北是謂洙泗之閼矣春秋之浚洙非謂始導矣蓋深廣之耳馥案經言西南誤酈注亦沿其誤春秋莊九年冬浚洙杜注洙水在魯城北下合泗釋例洙水出魯國東北西南入沅水下合泗馥案出字誤當云經魯國東北也入沅水者入洙也泗洙合流故曰合泗 北入泗者泗在沭南而云北入者臨樂

山在陪尾之東南洙水西北流以入泗至魯城北復分流洙在北泗在南



泗水出青州浸從水虬聲

食聿切

水出者下有闕文地理志琅邪郡東莞縣術水南至下邳入泗過郡三行七百一十里青州濰縣注術水即洙水也晉同水經洙水出琅邪東莞縣西北山東南過其縣東又東南過莒縣東又南過陽都縣東入於沂馥謂山當是沂山或轉寫脫沂字廣韻洙水名在琅瑯今流陽縣在沂州通典洙水出東海郡流陽縣音述元和志泗州連水縣下云洙水俗名連水西南自海州流陽縣界流入寰宇記沂水縣洙水出縣西北沂山南職方氏青州其浸沂洙在縣界七十步引東流七十里入於泗水又云流陽縣洙水在城東南七十步引東流七十里入車路湖齊乘水經注大弁山與小泰山連麓洙水出焉漢志謂之術水元和志云俗名連水出沂山東麓又云洙水自厚邱縣分為二今名南漣北漣也胡渭曰以今輿地言之洙水出沂水縣歷莒州沂州郟城至流陽縣西北分為二水其一南至邳州入泗即齊乘所謂南漣水也其一為左瀆北至海州與安東之游水合自下游流通稱又北至贛榆入海即齊乘所謂北漣

水也字或作滿玉篇滿水在琅邪任緒釣魚處 青州浸者周禮職方氏正東曰青州其浸沂流注云流出東莞

沂水出東海費東西入泗從水斤聲一曰沂水出泰山

蓋青州浸 魚衣 水出東海費東者水經注許慎說文云沂水出東海費縣東西入泗從水斤聲呂忱字林亦言是矣淮南地形訓時泗沂出臺台術高云時泗沂皆水名臺台術皆山名玉篇沂水出泰山琅瑯縣通典沂山在今琅瑯郡沂水縣即沂水所出也馥案水經注云鄭玄云沂出沂山亦或云臨樂山水有二源南源所導世謂之柞泉北水所發俗謂之魚竈泉俱東南流合成一川齊乘云鄭康成云沂水出沂山按今蒙陰縣東北地名南河川小阜之下有曰狗泉此沂源也東南逕馬頭固山有泉東流與之合北望沂山五十里殊無別源疑沂山水源古流今竭耳胡渭云按沂山在今青州府沂水縣北一百十里無沂源又雕崖山在縣西北一百七十里沂水於此發源是謂狗泉蓋即康成所謂沂山也臨樂艾山雕崖疑即沂山支阜之異名齊乘所謂狗泉者即北源之魚竈泉其出馬頭固山者即南源之柞

泉也 西入泗者御覽引無西字水經作南入泗寰宇記沂水經下邳縣北分為二水一水於城北西南入泗水一水經城東屈曲從縣南亦注泗謂之小沂水通鑑注泗水東南流過下邳縣西沂水南流亦至下邳縣西而南入於泗 一曰沂水出泰山蓋者地理志泰山郡蓋縣沂水南至下邳入泗過郡五行六百里青州浸又引書淮沂其父顏注沂出泰山郡國志泰山郡蓋沂水出廣韻沂水名出太山博物志沂出太山水經沂水出泰山蓋縣艾山南過下邳縣西南入於泗襄十八年左傳東侵及濰南及沂土地名沂水出東莞蓋縣艾山南經琅瑯郡東海至下邳縣入泗吳語闕為深溝於商魯之閒北屬之沂注云沂水名出泰山蓋縣南至下邳入泗鄭注職方沂山沂水所出也在蓋 青州浸者周禮職方氏青州其山鎮曰沂山其浸沂流馥案漢官解詁徐魯惟沂禹貢沂屬徐至周則徐入青矣故曰 青州浸

沂水出齊臨朐高山東北入鉅定從水芊聲 似芊切

水出齊臨朐高山者徐錯本作石膏山地理志齊郡臨朐石膏山洋水所出東北至廣饒入鉅定顏注洋音祥馥案

洋當為洋音瀾水經巨洋水出朱虛縣泰山北過其縣西  
又北過臨朐縣東又北過劇縣西又東北過壽光縣西又  
東北入於海瀾注泰山即東小泰山也巨洋水即國語所  
謂具水矣袁宏謂之巨昧王韶之以為巨蔑亦或曰朐瀾  
皆一水也而廣其目焉巨洋水自朱虛北入臨朐縣又東  
北逕委粟山又東北洋水注之水西出石膏山西北石澗  
口東南逕逢山祠西又東南歷逢山下即石膏山也而東  
北流世謂之巨溝水東北流於委粟山北而東注於巨  
洋謂之巨溝口地理志石膏山洋水所出是也巨洋水又  
西北流而注於巨淀矣東北逕望海臺西東北流又東北  
注於海也馥案巨洋水並當作洋巨洋即朐瀾也巨蔑即  
巨昧之轉音也皆與洋聲相近齊語使海於有蔽渠弭於  
有渚賈侍中云海海濱也渠弭裨海也馥謂渠弭即巨昧  
朐瀾之異稱亦與洋聲相近後漢書耿弇傳追至鉅昧水  
上注云鉅昧水一名巨洋水在今青州壽光縣西九域  
志青州臨朐縣有洱水齊乘云洋水今謂之洱河出沂山  
西麓即東泰山也馥謂洋洱聲亦相近玉篇洋亾爾切亦  
瀾字類篇瀾瀾水盛兒或作洋馥謂二書雖不以洋為水  
名實有從半之字矣益都楊君峒曰世謂陽水即洋水案  
陽水導源漢之廣縣非出臨朐川土不同自非一水詩泌

之洋洋河水洋洋並當為洋洋即新臺之河水瀾瀾也周  
禮萍氏禁川游者注云備波洋卒至沈溺也此洋字亦當  
為洋或曰洋字見於經傳豈得無其字馥曰山海經西山  
經昆侖之邱洋水出焉而西南流注于醜塗之水水經注  
沔水云洋水導源巴山東北流入漢寰宇記洋州真符縣  
本漢安陽縣地洋水出縣東北嶺據此則固有洋水矣本  
書或有洋洋二文形相類遂去其一今以洋當洋字之訓  
猶當當甬字之訓矣北入鉅定者先入巨洋合巨洋以  
入鉅定也水經注淄水又東逕巨淀縣故城南征和四年  
漢武帝幸東萊臨大海二月耕巨淀即此也縣東南則巨  
淀湖蓋以水受名也



水出齊郡厲媯山東北入鉅定從水蜀聲

直切

水出齊郡厲媯山者厲當作廣媯山當作為山地理志齊  
郡廣縣為山濁水所出玉篇濁水出齊郡廣縣水經注淄  
水云呂忱曰濁水一名濶水出廣縣為山世謂之台嶺山  
北流注巨淀東北入鉅定者地理志濁水東北至廣饒  
入鉅定水經注淄水又東北馬車瀆水注之受巨淀淀即  
濁水所注也馥案鉅定即鉅澱濁水所注故成鉅澱釋名

濁瀆也汁  
滓演瀆也

**澗** 水出東海桑瀆覆甌山東北入海一曰灌注也從水

既聲 古代

水出東海桑瀆覆甌山者東海當為北海地理志北海郡桑瀆縣覆甌山澗水所出九域志濰州北海縣有澗水寰宇記濰州北海縣澗源山在州東南六十里山形如塔舊名塔山地理志云覆甌山澗水所出水經云澗水出塔山是山有二名天寶六年敕改為澗源山東北入海者地理志澗水東北至都昌入海一曰灌注也者洞簫賦迴江流川而既其山李善引本書澗猶灌也本書浸川澤所仰以灌澗也莊子逍遙游時雨降矣而猶浸灌秋水篇百川灌河注云灌注也史記河渠書西門豹引漳水澗鄴漢書溝洫志此渠皆可行舟有餘則用澗顏注澗灌也養生論夫為稼於湯之世偏有一澗之功者雖終歸於燋爛必一澗者後枯然則一澗之益固不可誣也梁典到澗字茂灌或借槩字七發於是澗槩胷中李善云槩與澗同

**澗** 水出琅邪箕屋山東入海徐州浸夏書曰澗淄其道

從水維聲 以追切

水出琅邪箕屋山者地理志琅邪郡箕縣禹貢維水北至都昌入海過郡三行五百三十里青州濰也鄭注禹貢引地理志澗水出琅邪箕屋山本書屋山二字據漢志也齊乘澗水水經云出琅邪箕縣澗山許慎呂忱云箕屋山淮南子云覆舟山廣異名曰實一山也即今清風山在莒州莒縣北百里漢箕侯國地胡渭曰說文澗水出琅邪箕屋山謂琅邪郡箕縣之屋山非名箕屋也水經澗水出琅邪箕縣澗山襄十八年左傳東侵及澗注云澗水在東莞東北至北海都昌縣入海漢書韓信傳與信夾澗水陳顏注澗水出琅邪北箕縣東北經臺昌入海即禹貢所云澗淄其道者也寰宇記莒縣下云箕漢縣宣帝封城陽荒王子文為侯即此邑後漢省併東莞據郡國縣道記引漢志云澗水北至都昌入海又許慎說文呂忱字林竝云澗水出琅邪箕屋山入海又水經云澗水出琅邪箕縣東今按箕山在今縣北八十里箕縣蓋因山為名今故城在縣東北一百餘里其山在澗水之西是也又云澗水源出縣東北

濰山去縣八十三里東北流入諸城縣界禹貢濰淄其道  
淮南子濰出覆舟山皆濰之異名括地志密州莒縣濰山  
濰水所出隋志濰水在北海郡下密縣元和志輔唐縣濰  
山在縣東北八十三里濰水所出也顧炎武曰濰水其字  
或省水作濰或省系作淮又或從心作惟總是一字漢書  
地理志琅邪郡朱虛下糞下作維靈門下橫下折泉下作  
淮上文引禹貢惟留其道又作惟一卷之中異文三見古  
人之文或省或借其旁竝從鳥佳之佳則一爾後人誤讀  
為淮沂其父之淮而呼此水為槐河失之矣又曰馬文煒  
曰漢書王子侯表城陽頃王子東淮侯類封北海按北海  
郡別無淮水蓋濰字之異文又曰通鑑梁武帝紀魏李叔  
仁擊邢杲於惟水胡三省注惟當作濰東入海者水經  
濰水又東北過都昌縣東又東北入於海徐廣曰濰水出  
東莞而東北流至北海都昌縣入海徐州浸者周禮職  
方氏無徐州地理志作青州夏書曰濰淄其道者禹貢  
青州文本書無濰字濰地理志引作維顏注維水出琅邪  
箕屋山

濰

水出琅邪靈門壺山東北入濰從水吾聲

五乎切

水出琅邪靈門壺山者地理志琅邪郡靈門縣壺山  
所出水經注濰水云浯水出浯山世謂之巨平山也地理  
志曰靈門縣有高梁山壺山浯水所出今是山西接浯山  
許慎說文言水出靈門壺山世謂之浯汶矣三齊記昔者  
堰浯水灌田數萬頃今尚有餘堰而稻田畦畛存焉寰宇  
記按郡國縣道記靈門在今縣西南六十里當沂水縣東  
北一百里有巨平山在縣北浯水側近其山一名浯山浯  
水源出此山東北入濰者地理志浯水東北入濰水經  
注浯水東北流而注於濰水寰宇記浯水東北至密州北  
流入濰胡渭曰浯水世謂之浯汶浯合東汶入濰故有此  
名

汶

水出泰山萊蕪西南入沛

匹運切

述征記泰山郡水皆名汶有北汶羸汶柴汶牟汶皆源別流  
同詩地理攷董氏日出萊蕪者今須城之汶是也出朱虛  
者今濰之東南有大汶小汶是也曾氏曰汶水有二出萊蕪  
縣原山入濟者徐州之汶也出朱虛泰山北又東北入濰者

青州之汶也

水出琅邪朱虛東泰山者地理志琅邪郡朱虛縣東泰山汶水所出東至安邱入維拈地志朱虛故城在青州臨朐縣東周禮職方青州其山鎮曰沂山寰宇記云即東泰山也齊乘臨朐縣沂山即公玉帶請漢武所封之東泰山也馥案此為東汶吳語遵汶之上韋注汶齊水名是也沂山在今沂州府沂水縣北一百十里唐為東鎮今山無汶源水經汶水出朱虛縣泰山酈注伏琛晏謨竝言水出縣東南晤山在小泰山東東入濰者水經汶水北過濰于縣西又東北入於濰酈注故夏后氏之斟灌國也其城東北則兩川交會也寰宇記濰州北海縣汶水在縣東南六十里源出沂水縣小泰山入縣界合濰水入海桑欽說汶水出泰山萊蕪者地理志泰山郡汶水出萊蕪西入濟又萊蕪縣下云禹貢汶水出西南入沛桑欽所言又浮于汶類注汶水出泰山郡萊蕪縣原山水經注沛水云李欽曰汶水出泰山萊蕪有原山潘水出注云杜預曰汶水出水經汶水出泰山萊蕪縣原山酈注汶出牟縣故城西南阜下俗謂之胡盧堆牟縣古牟國俗謂是水為牟汶也括地

志淄州淄川縣東南七十里原山元和志乾封縣汶水源出縣東北原山西有流經縣理南去縣三里億元年左傳公賜季友汶陽之田杜注汶水出泰山萊蕪縣西入濟後漢章帝紀宗祀五帝於汶上明堂注云汶水出太山朱虛縣萊蕪山從征記汶水出萊蕪西南流通典汶水出今魯郡萊蕪縣界西南入沛者禹貢浮于汶達于濟又導沔水云又東北會于汶傳云沛與汶合許敬宗對高宗曰沔濟自溫入河伏地南出為滎澤又伏而出曹濮之閒汶水從入之故書又言浮汶達濟水經沛水又東北過壽張縣西界安民亭南汶水從東北來注之淮南地形訓汶出弗其流合於濟高誘云弗其山在北海朱虛縣東水經注云余按誘說是乃東汶非經所謂入濟者也蓋其誤證耳春秋釋例汶水出泰山萊蕪縣西南經濟北至東平須昌縣入濟寰宇記萊蕪縣汶水出此邑即閔子騫所謂則吾必在汶上矣是也西南流入沛詩地理攷引曹氏曰汶在齊南魯北閔子在汶上者欲北如齊也

沔

水出東萊曲城陽邱山南入海從水台聲直之切

水出東萊曲城陽邱山者玉篇作陽曲山地理志東萊郡曲城縣陽邱山治水所出南入海者地理志治水南至

沂入海

瀉

水出魏郡武安東北入呼沱從水曼聲寔籀文侵字

子鳩切

廣韻浸下云瀉上同出字林馥案漢書作瀉

水出魏郡武安者玉篇寔水出武安縣東東北入呼沱者地理志魏郡武安瀉水東北至東昌入呼沱河周禮職方氏并州其川虜池元和志繁時縣本漢舊縣屬雁門郡秦戲山一名武夫山在縣東南九十里滹沱水出焉曼聲者宋本作寔籀文侵字者宋本作寔籀

瀉

水出趙國襄國之西山東北入寔從水禺聲

噴俱切

水出趙國襄國之西山者之字衍寔字記邢州龍岡縣秦以為信都縣項羽更名襄國漢因不改洧水一名澧水俗謂之百泉河源出縣東南平地以其導源總納眾泉合成一川故也又云百泉河在州東南八里水自平地而出其

泉無數故曰百泉是澧河之上源也又沙河縣本漢襄國縣地沙河即洧水也洧水在縣西北七十一里俗名沙河水郡國志牛缺遇盜於沙洧之閘玉篇洧水出襄國縣東今作虞東北入寔者地理志趙國襄國西山渠水所出東北至任入寔渠水即洧水

瀉

水出趙國襄國東入洧從水虎聲

息移切

水出趙國襄國東入洧者地理志趙國襄國馮水東至朝平入洧馮水即澆水不知何以譌為馮

瀉

水在常山中邱逢山東入洧從水者聲爾雅曰小州

曰渚

章與切

水在常山中邱逢山者地理志常山郡中邱逢山長谷諸水所出諸即渚東入洧者地理志諸水東至張邑入濁濁當為渚爾雅曰小州曰渚者釋水文彼作渚釋文云渚字又作渚李巡曰四方有水獨高可處故曰渚釋邱如渚者渚邱郭云水中洲為渚本書如渚者渚邱水中高者也聲類渚或作渚釋邱又云澤中有邱都邱馥案鄭注檀



弓云南方謂都為渚釋名小洲曰渚渚遮也體高能遮水使從芴回也廣雅渚處也馥案州居也孫炎注九河覆舖云水中多渚往往而有可居之處狀如覆釜之形詩召南江有渚傳云渚小洲也水岐成渚文十年左傳王在渚宮注云小洲曰渚齊語渠弼於有渚韋注水中可居者曰渚中山經南望錡海蘇林曰小洲曰渚顏注東有大海之渚字且齊東階鉅海蘇林曰小洲曰渚顏注東有大海之渚字與渚同也吳都賦洲渚憑隆五臣云小洲曰渚馥案潯陽記有鵲渚卽杜預所云廬江舒縣東南鵲尾洲也

**汶** 水出常山石邑井陘東南入於泚從水交聲邾國有

**汶** 汶縣下交切

水出常山石邑井陘者徐鍇本作井陵山鍇曰漢書石邑縣西有井陵山汶水所出今或作井陘誤也馥案地理志常山郡井陘縣應劭曰井陘山在晉南音刑又石邑縣井陘山在汶汶水所出寰宇記石邑縣水一名童水東南入於泚者於字衍地理志汶水東南至慶陶入泚邾國有汶縣者地理志沛郡汶縣注云汶水所出南入淮馥案此

別是一水

**濟** 水出常山房子贊皇山東入泚從水齊聲 子禮切

春秋說題辭濟齊也齊度也直也

風俗通濟者齊也齊其度量也

水出常山房子贊皇山者地理志常山郡房子縣贊皇山石濟水所出郡國志常山國房子贊皇山濟水所出晏氏類要贊皇縣本漢鄆縣之地有贊皇山元和志贊皇縣贊皇山在縣東南二十六里穆天子傳至房子登贊皇山是也濟水源出贊皇山西北流去縣南十里北山經敦與之山槐水出焉而東流注於泚澤寰宇記贊皇縣槐水隋圖經云槐水出贊皇山一曰渡水亦曰濟水東入泚者地理志濟水東至慶陶入泚風俗通謂入沮或稱泚為沮

**泚** 水在常山從水氏聲 直尼切

水在常山者有闕文地理志常山郡元氏縣泚水首受中邱西山窮泉谷東至堂陽入黃河北山經敦與之山泚水出於其陰而東流注於彭水注云今泚水出中邱縣西窮泉谷東注於堂陽縣入於漳水馥案隋書地理志房子有

彭水元和志趙州臨城縣漢屬常山郡敦與山在縣西南  
七十里泚水所出漢書張耳韓信擊破趙井陘斬陳餘泚  
水上吳質在元城與魏太  
子箋重以泚水漸漬疆宇

**濡水出涿郡故安東入漆涑從水需馨**  
人朱切

水出涿郡故安者廣韻濡水名出涿郡乃官切地理志涿  
郡故安縣閭鄉易水所出東至范陽入濡也水亦至范陽  
入涑顏注言易水又至范陽入涑也濡音乃官反馥案顏  
注易水乃濡水之訛謂濡水亦至范陽入涑也水經濡水  
從塞外來東南過海陽縣西南入於海昭七年左傳盟于  
濡上注云濡水出高陽縣東北至河間鄭縣入易水水經  
注易水云其水又東南流歷故安縣北而南注濡水濡水  
又東南流於容城縣西北大利亭東南合易水而注巨馬  
水也故地理志曰故安縣閭鄉易水所出至范陽入濡水  
闕駟亦言是矣又注巨馬水云地理志曰涑水東南至容  
城入於河河即濡水也又注濡水云汙水西北入難河濡  
難馨相近北俗語譌耳寰宇記易縣本漢故安縣濡水源  
出縣西北窮獨山南谷馥案或稱聖女水通鑑元嘉九年  
秋七月魏主至濡水注音乃官反濡水即灤水廣輿記灤

河在永平府又云永平府灤州商孤竹國漢海陽縣馥案  
水經注玄水又西南逕孤竹城北西入濡水通鑑開元二  
年薛訥繫契丹行至灤水山峽中為伏兵所敗即濡水也  
東入漆涑者漆涑當為涑渠水經注易水云濡水合渠  
許慎曰濡水入涑涑渠二號即巨馬之異名又注  
巨馬水云即涑水也又云巨馬河亦曰渠水也

**田田土水出右北平涑靡東南入庚從水壘馨**  
力軌切

水出右北平涑靡者徐鍇本作涑靡南玉篇水出涑靡縣  
南水經注鮑邱水云庚水又西南流灋水注之水出右北  
平涑靡縣王莽之涑麻也東南流世謂之車畜水又東南  
流謂之北黃水又屈而為南黃水魏書道武帝西幸馬邑  
觀灋源通鑑魏主珪規度灋南將建新都注云自灋水南  
抵夏屋山皆灋南地也東南入庚者當云東入庚以南  
字屬涑靡下地理志右北平郡涑靡縣灋水南至無終東  
入庚又無終縣灋水西至雍奴入海顏注灋音庚即所云  
入庚者同一水也馥案志云灋水入庚顏謂灋庚同也水  
經注灋水又西南入於庚水庚水世亦謂之為柘水也

**沽水出漁陽塞外東入海從水古聲**  
古胡切

水出漁陽塞外者地理志漁陽郡漁陽縣沽水出塞外東南至泉州入海水經沽河從塞外來南過漁陽狐奴縣北西南與濕餘水合為潞河酈注沽河出禦夷鎮西北九十里丹花嶺下寰宇記潞縣漢屬漁陽郡潞河一名沽河一名鮑邱水水經注鮑邱水入潞通得潞河之稱矣東入海者水經沽水與清河合東入於海

水出遼東番汗塞外者汗當為汗顏師古注漢志音寒西南入海者地理志遼東郡番汗縣沛水出塞外西南入海

普蓋切

水出樂浪鏤方者應劭曰樂浪故朝鮮國也朝鮮傳復修遼東故塞至沮水為界顏注沮水在樂浪水經沮水出樂浪鏤方縣隋書來護兒傳遼東之役率樓船指滄海入自沮水唐書李勣為沮江道大總管一曰出貝水縣者地

水出樂浪鏤方東入海從水貝聲一曰出貝水縣

普拜切

理志樂浪郡沮水縣水西至增池入海水經注云許慎云沮水出鏤方一曰出沮水縣十三州志曰沮水縣在樂浪東北鏤方縣在郡東蓋出其縣南逕鏤方也東入海者水經沮水東南過臨沮縣東入于海

北方水也從水襄聲

戶乖切

北方水也者北山經獄法之山瀆澤之水出焉而東北流注於泰澤

水出鴈門陰館壘頭山東入海或曰治水也從水壘

聲力追切

水出鴈門陰館壘頭山者水經灑水出鴈門陰館縣至漁陽雍奴縣西入笥溝酈注笥溝潞水之別名也水經沽河云南過漁陽狐奴縣北西南與濕餘水合為潞河又東南至雍奴縣西為笥溝酈注灑水入焉俗謂之合口也寰宇記代州鴈門縣本漢廣武縣地屬太原郡後漢屬鴈門郡壘頭山在縣西北六十里即句注陘西北三十五里山也後漢書王霸傳可從溫水漕注云水經注曰溫餘水出上谷居庸關東又東過軍都縣南又東過薊縣北益通以運

漕也馥案溫餘水即水經之濕餘水濕當為灤隸書濕作  
漂故誤為濕又誤為溫地理志上谷郡軍都縣溫餘水即  
水經濕餘水出上谷居庸關東者也霸所漕者溫水非溫  
餘水注引溫餘水誤也溫水即灤水東入海者地理志  
灤水東至泉州入海或曰治水也者地理志鴈門郡陰  
館縣壘頭山治水所出水經注灤水出於壘頭山一日治  
水胡渭曰漢志代郡平舒縣有祁夷水北至桑乾入治治  
即灤水亦名桑乾河治或通作台漢書燕刺王旦傳使人  
祠葭水台水晉灼曰  
地理志台水在鴈門

### 沮水出北地直路西東入洛從水盧聲

側加切

水出北地直路西者經典借沮字地理志北地郡直路縣  
沮水出東西入洛馥案水經注引作出西東入洛水經沮  
水出北地直路縣東過馬翎殿兩縣北東入於洛酈注濁  
水與沮水合分為二水一水東南出即濁水也至白渠與  
澤泉合俗謂之漆水又謂之為漆沮水入於渭水其一水  
東出即沮水也寰宇記耀州華原縣沮水自邠州入縣界  
合漆水入富平石川河東入洛者水經注沮  
水逕栗邑縣故城北又東北流注於洛水也

### 水起鴈門

水起鴈門稜人戍夫山東北入海從水瓜聲

古胡切

水起鴈門稜人戍夫山者地理志稜人屬太原郡魏志武  
帝紀將征烏桓鑿渠自呼淹入派水名平虜渠馥案司馬  
懿征公孫淵至饒陽鑿滹沱入派水以運糧通鑑慕容麟  
追長孫肥至派水注云派水在中山馥案水經注滹水云  
唐水出中山城言城中有山故曰中山也輿地志盧奴城  
北臨滹水面派河馥案水經注滹水云漢高祖立中山郡  
魏皇始二年破中山立安州天興三年改曰定州治水南  
盧奴縣之故城東北入海者水經沽河云沽河與清河  
合東入於海清  
河者派河尾也

### 滹水

水起北地靈邱東入河從水寇聲滹水即漚夷水并

州川也

苦候切

水出北地靈邱者靈邱不屬北地地理志代郡靈邱縣滹  
河東至交安入大河過郡五行九百四十里并州川水經  
滹水出代郡靈邱縣高氏山寰宇記定州安喜縣滹水亦  
名唐河在縣北八里西北自唐縣界流入隋圖經云唐河

即澆馥案水經注澆水又東逕左人城南城在唐縣西北亦或謂之為唐水也又東恆水從西來注之即禹貢所謂恆衛既從也唐書賈敦頤傳瀛州瀕滹沱澆二水歲溢溢壞室廬漫如數百里馥案水經注澆水歷安國縣東分為二水一水枝分流入滹沱東入河者北山經高是之山澆水出焉東流注於河郭注澆水過博陵縣南又東北入於易水水經注澆水至長城注於易水馥案酈注易水云逕鄭縣故城北東至文安縣與滹沱河合是以班固闕駟之徒咸以斯水謂之南易馥謂澆所入即南易長城在今交安縣界澆水即滹夷水并州川也者周禮職方氏并州其川虜池滹夷注云滹夷祁夷與出平舒胡渭曰按漢志代郡平舒縣有祁夷水北至桑乾入治治即灤水亦名桑乾河漢桑乾縣故城在今山西大同府蔚州西北平舒則州屬廣靈縣也縣南有壺流河即古祁夷水 sources 西北平舒東北流至蔚州入桑乾河不經曲陽縣界鄭說非是水經注云澆水即滹夷之水也元和志靈邱縣本漢舊縣屬代郡滹夷水一名滹水出縣西北高是山周禮曰并州其川滹夷謂此也錢君大昕曰地理志川曰虜池嘔夷注嘔夷出平舒按師古之注本於鄭氏周禮注蓋以祁夷當嘔夷也然孟堅實以澆水為嘔夷故於代郡靈邱縣云澆河東

至文安入大河并州川而於平舒之祁夷水不云并州川是班與鄭異也顏注宗鄭却失孟堅之旨

**涑** 水起北地廣昌東入河從水來聲并州浸洛哀切

水起北地廣昌者廣昌不屬北地地理志代郡廣昌縣涑水東南至容城入河過郡三行五百里并州滯通典涑水在今安邊郡飛狐縣界元和志涑水縣涑水一名巨馬河在東北二里袁紹崔巨業攻固安不下公孫瓚破之於涑水水者六七千人即此水也東入河者玉篇涑水出代郡東南入河并州浸者周禮職方氏正北曰并州其浸涑易注云涑出廣昌

**泥** 水出北地郁郅北蠻中從水尼聲奴低切

水出北地郁郅北蠻中者地理志北地郡郁郅縣泥水出蠻夷中又泥陽縣應劭曰泥水出郁郅北蠻中晉地道記泥水出郁郅北蠻中史記酈商傳蘇駟軍於泥陽正義泥谷水源出羅川縣東北泥陽源側有泉於泥中潛流二十餘步而流入泥谷寰宇記坊州中部縣泥水水經云泥水出翟道縣泥谷今按圖經泥谷水在縣西北五十里源自

栲栳谷來通鑑後  
秦主萇軍於泥源

西河美稷係東北水者初印本無北字水經注河水云河  
乃感切

西河美稷係東北水者初印本無北字水經注河水云河  
水又左得滿水口水出西河郡美稷縣東南流羌人因水  
以氏之漢冲帝時羌滿狐奴歸化蓋其渠帥也其水俗亦  
謂之爲滿波水東流大於河文選潘岳關中詩虛鼎滿德  
李善注滿羌號也說文曰滿水出  
西河美稷縣故羌人因水爲姓

水出西河中陽北沙者水經汾水云又南過大陵縣東酈  
乙乾切

水出西河申陽北沙者水經汾水云又南過大陵縣東酈  
注汾水於縣左池爲鄠澤廣雅曰水自汾出爲汾陂其陂  
東西四里南北十餘里陂南接鄠地理志曰九澤在北并  
州藪也呂氏春秋謂之大陸又名之曰漚漢之澤俗謂之  
鄠城泊許慎說文曰馮水出西河中陽縣北沙南入河卽  
此水也 馮聲者馮當爲烏鄠注所謂鄠澤也廣韻馮水  
馮集韻馮水名篆譌從馮音隨形變讀乙乾切實應讀安  
古切酈引本書原作馮後人據誤本說文改爲馮 南入

河者中陽灑河  
故馮入河也

河津也在西河西從水坐聲  
土禾切

水也從水旗聲  
以諸切

過水中也從水旬聲  
相倫切

過水中也者集韻引作過水經注陰溝水云過水受沙水  
於扶溝縣爾雅曰過爲洵呂忱曰洵過水也九域志金州

洵陽縣  
有洵水

水出北躡山人邱澤從水舍聲  
始夜切

水出北躡山者廣韻引文字音義滄水出北躡山也 入  
邱澤者徐鍇本作邱澤北山經北巖之山滄水出焉而東  
流注於邱澤馥案  
旄水亦云注邱澤

水也從水刃聲  
乃見切

水也者集韻引有出上黨二字 刃聲者廣韻切式羊切音商水名馥謂當從升轉寫譌從升音隨形變矣

漚 水也從水直聲 恥力切

水也者集韻引同 又云一日出潁川

漚 水也從水妾聲 七接切

漚 水也從水居聲 九魚切

漚 水也從水息聲 其冀切

漚 水也從水尤聲 羽求切

水也者廣韻沈水名在高密

漚 水也從水困聲 苦頓切

困聲者初印本作困音於真切宋本小字本李燾本竝同集韻漚伊真切說文水名

漚 水也從水果聲 古火切

漚 水也從水負聲讀若瑣 蘇果切

漚 水也從水龙聲 莫江切

水也者漚或作漚水在梁鄒縣水經注謂即古之袁水

漚 水也從水乳聲 乃后切

漚 水也從水矣聲矣古文終 職戎切

水也者廣韻作終云水名在襄陽

漚 水也從水百聲 匹白切

玉篇 作漚

淺水也者當為淺水兒本書伯甯嚴讀之若淺汨廣韻汨水淺兒顏氏家訓嘗游趙州見栢人城北有一小水土人

亦不知名後讀城西徐整碑云洎流東指眾皆不識吾按說文洎淺水兒兒古貌字也此水漢來無名矣直以淺貌日之或當卽以洎爲名乎

水也從水千聲倉先切

水也從水叵聲詩曰江有涇詳里切

詩曰江有涇者徐鍇本作一曰詩江有涇廣韻引同

勃解海之別名也從水解聲一說解卽解谷也胡買切

勃解海之別名也者初印本作郭解海之別也無名字宋本集韻類篇竝同別者猶江別爲沱本書郭郭海地梁張騫詠躍魚詩何用游冥解且躍天淵池漢書音義勃解海別枝名也齊都賦注海旁曰勃斷水曰解或作勃解子華子瓊邪之東勃解稽天非一水之鍾也子虛賦浮渤解五臣云渤解海分支水名陳書徐陵傳警渤解而俱深周書武帝紀守贖曠者悟渤解之泓澄漢書揚雄傳作勃解又作勃海戰國策蘇秦說齊曰北有勃海齊都賦海旁出爲

勃勃海亦曰薄海薄卽勃聲之轉史記索隱曰崔浩云勃旁跌也旁跌出者橫在齊北應劭曰海之橫出者曰勃史

記天官書中國山川東北流其維首在隴蜀尾沒於勃謁漢書天文志作勃海謁后武帝紀元光三年河水徒從頓

邱東南流入勃海地理志薊南通齊趙勃謁之閼顏注勃勃海也又勃海郡顏注在勃海之濱因以爲名又稱勃海

列子殷湯篇策奮運於渤海之尾初學記按東海之別有渤解出說文故東海共稱渤海禹貢又北播爲九河同爲

逆河入于海傳云同合爲一大河名爲逆河而入於渤海史記河渠書同爲逆河入於渤海溝洫志同王粲爲荀彧

與孫權檄云昨令將帥戰士就渤海七入百里演習舟楫魏志張郃從擊袁譚於渤海圖經渤海實滄州之地屬趙

分居多寰宇記幽州薊縣渤海圖經渤海實滄州之地屬趙僕從齊浮渤海以討朝鮮云僕浮渤海蓋自青萊以北幽

平以南皆濱於海其海通謂之渤海非指渤海郡而言也齊乘海岱惟青州謂東北跨海西南距岱跨小海也本名

渤海亦謂之渤解海別枝名也北自平州謁后南至登州沙門島是謂渤海之口闊五百里西入直沽幾千里焉又

稱少海韓非子齊景公與晏子游於少海登栢寢之臺又稱北海僖四年左傳楚子使於齊侯曰君處北海又謂之



裨海齊語渠涇於有渚韋注渠涇裨海是也列子曰勃海之中有大壑名曰歸墟歸墟者尾閭也閭若璩曰按齊都賦云海扇出為渤今海自山東登州成山折而西徑寧海州福山蓬萊招遠縣又西徑萊州掖縣昌邑濰縣又西徑青州壽光樂安諸城縣北界折而西北徑濟南利津霑化海豐縣又北徑直隸河間鹽山滄州靜海縣東界又北至天津衛折而東徑順天寶坻豐潤縣又東徑永平灤州樂亭盧龍昌黎縣又東出山海關徑遼東寧遠廣寧衛南界折而南徑海蓋復金四衛西界又折而東徑金州南界有旅順口南與登州海口相對皆謂之渤海歷覽太史公書如河渠書同為逆河人於渤海謂永平府之渤海也封禪書四曰陰主祠三山五曰陽主祠之眾六曰月主祠之萊山皆在齊北並渤海謂登萊兩府之渤海也蘇秦列傳說齊宣王未嘗倍泰山絕清河涉渤海張守節正義曰渤海滄州也則指天津衛之海言朝鮮列傳遣樓船將軍楊僕從齊浮渤海至王險王險城名非海之在遼東而何皆渤海也奈何有巨瓚者徒知漢以渤海名郡遂狹視渤海謂禹貢河入海乃在碣石武帝元光三年河移徙東郡更注渤海禹時不注也若以太史公增禹貢原文一渤字為誤不知非誤也正謂碣石邊之渤海也胡渭曰漢書臣瓚曰

禹貢夾右碣石入于河則河入海乃在碣石武帝元光三年河徙徙東郡更注渤海禹時不注也今按武帝紀元光三年春河水徙徙頓邱東南句流入渤海用此四字以足上句文勢非河先不入勃海至元光徙流而始入勃海也尋瓚之意蓋以禹貢九河同為逆河自碣石入於海故云禹時不注而不知漢人所謂勃海者其北一半即逆河之故道也河豈能越勃海而至碣石哉總之勃海甚廣占漢遼西右北平勃海千乘北海東萊六郡之境跨古冀兗青三州之界自禹時以迄唐宋河之所入皆勃海也濟漯淄淄之所入亦勃海也一說解即解谷也者本書解水衡官谷也玉篇解亦作懈吳都賦說竹云梢雲無以踰懈谷弗能連李善注懈谷崑崙北谷也漢書律歷志黃帝使洽綸自大夏之西昆侖之陰取竹之解谷生其竅厚均者斷兩節閉而吹之以為黃鐘之宮孟康曰解谷一說昆侖之北谷名也



北方流沙也一曰清也從水莫聲慕各切

北方流沙也者李善注雪賦朔漠飛沙引本書同釋名北方沙漠平廣淮南時則訓雁北鄉高云將至北漠中也易

林沙漠北塞純無水泉地理志張掖郡居延縣居延澤在  
東北古文以為流沙胡謂曰沙漠自西而東且地北居延  
澤雖非禹貢之流沙亦即此沙漠之地李陵歌經萬里兮  
度沙漠注云匈奴沙漠地劉歆宗廟議單于遠通漠北鹽  
鐵論處沙漠之中生不食之地盧諶贈崔溫詩北眺沙漠  
巫鮑昭舞鶴賦麟霜鴈之違漠五臣云謂鴈背沙漠以就  
溫也成公綏嘯賦又似鴻雁之將雛羣鳴號乎沙漠又鴻  
鴈賦賓弱水之陰岸兮有沙漠之絕渚魏書雍狂地無山  
有沙漠流水新唐書狄仁傑傳東距滄海西隔流沙北橫  
大漠南阻五嶺天所以限中外也通鑑柔然追敕勒至西  
漠注云西漠者大漠之西偏也又云自陰山以北皆大漠  
有白漠黑漠斥漠或作幕字漢書武帝紀衛青將六將軍  
絕幕顏注幕者今之突厥中曠巨應劭曰幕匈奴之南界  
臣瓚曰沙土曰幕程大昌北邊備對幕者漠也言沙漠廣  
莫望之漠漠然也一日清也者釋言文樊光曰漠然清  
兒李善注勵志詩引本書作寂也又引作無為也楚詞遠  
游漠虛靜以恬愉兮又云野宋漠其無人鴈鳥賦真人恬  
漠兮五臣云至真之人其性靜漠或借莫字昭二十八年  
左傳引詩莫其德音說云德  
正應和曰莫杜注莫然清靜

廣雅海晦也 釋名海晦也主承穢濁其水黑如晦也 尙  
書考靈曜海之言晦昏無所睹也 五經異義古尙書說六  
宗云海為澤宗 易林  
海為水宗聰明且聖  
天池也以納百川者從水每聲 呼改切

天池也者初學記海一去天池莊子逍遙遊南溟者天池  
也又云窮髮之北有溟海者天池也史記日者傳地不滿  
東南以海為池晉書天文志九坎闕十星曰天池一日天  
海 以納百川者者玉篇海大也受百川萬谷流入禹貢  
江漢朝宗于海傳云百川以海為宗老子滄海所以能為  
百谷王者以其下之月令章句受眾流注曰海鄉飲酒義  
洗之在阼其水在洗東祖天地之左海也注云海水之委  
也淮南汜論訓百川異源皆歸於海易林水流趨下遂成  
東海吳都賦百川派別歸海而會傳元詩百  
川皆赴海又釋法篇浩浩大海百川歸之

大也從水專聲 湯古切

大也者詩北山溥天之下傳云溥大又車攻東有甫草韓  
作圃薛君云圃博也有博大之茂草也中庸溥博淵泉

水大至也從水聞聲乙感切

水大至也者徐錯韻譜玉篇廣韻並作大水至

澤水也從水其聲戶工切

澤水也者本書州下云昔堯遭洪水民居水中高上書堯典湯湯洪水方割傳云洪大孟子澤水者洪水也趙注洪大也又云昔者禹抑洪水而天下平史記河渠書作鴻水

水不遵道者廣韻澤水流不遵道水經注河水云不遵其道日降書堯典湯湯洪水方割蕩蕩懷山襄陵浩浩滔天傳云言水奔突有所滌除包山上陵盛大若漫天孟子水逆行謂之澤水又云書曰澤水警余趙注水逆行澤洞無涯故曰澤水又云洪水橫流氾濫於天下一日下也者本書降下也大禹謨降水儆于傳云水性流下故曰下水

水朝宗于海也從水從行

以淺切

水朝宗于海也者徐錯本作水朝宗于海見也廣雅衍達也梁書高祖諱衍字叔達易需于沙衍在中也虞云衍流也從水從行者字統

水朝宗于海故從水行

直遙切

水朝宗于海者渚朝聲相近御覽引作朝也禹貢江漢朝宗于海鄭注江漢合為一共赴海猶諸侯之同心尊天子而朝事之周禮大宗伯以賓禮親邦國春見日朝夏見日宗鄭注朝猶朝也欲其來之早也宗尊也欲其尊王也馥案言水赴海亦如諸侯之見天子也詩沔彼流水朝宗于海箋云水流而入海小就大也尚書大傳大水小水東流歸海也荀子宥坐篇孔子觀於東流之水曰夫水其萬折也必東李尤盟津銘洋洋河水朝宗於海徐幹齊都賦川瀆則洪河洋洋發源崑崙

水脈行地中廣演然從水夤聲弋刃切

水脈行地中廣演然者初印本然作也字本書壘水脈也從川在下一地也廣韻演引水也江賦潛演之所汨涵

或通作演周語夫水土演而民用也韋注水土氣通為演演猶潤也演則生物民得用也說苑夫水土演而民用足也土無所演民乏財用蜀都賦演以潛沫劉注水潛行曰演

**滔** 水漫漫大兒從水滔聲土刀切

水漫漫大兒者徐鍇本作水漫天兒韻譜滔水漫天馥案堯典浩浩滔滔天傳云浩浩盛大若漫天詩四月滔滔江漢傳云滔滔大水貌漢書石奮傳閼者河水滔陸晉灼曰滔漫也

**涓** 小流也從水冫聲爾雅曰汝為涓古立切

小流也者一切經音義十二引字林水小流涓涓然也六韜涓涓不塞將為江河荀子法行篇涓涓源水不壅不塞後漢書丁鴻傳夫壞崖崩巖之水源自涓涓陶潛歸去來辭泉涓涓而始流潘岳射雉賦泉涓涓而吐瀉爾雅曰汝為涓者釋水汝為瀆又云汝有瀆馥案為瀆之瀆因有瀆而誤也當作涓

**混** 豐流也從水昆聲胡本切

豐流也者廣雅混混流也孟子源泉混混漢書司馬相如傳混乎混流顏注混流豐流也郭璞水泉讚殊出同歸混混東會集韻混與滾同杜甫詩不盡長江滾滾來

**濂** 水濂濂也從水象聲讀若蕩徒朗切

水濂濂也者李善注西京賦引字林同廣韻濂水大之貌濂混濂水貌玉篇濂濂濂無涯際也集韻濂混濂水貌廣雅濂濂濂濂流也淮南覽冥訓濂水不泄濂濂極望漢明帝詔濂濂廣益莫測圻岸吳志薛綜傳加又洪流混濂有成山之難吳都賦瀨瀨流瀨海賦沖瀨流瀨修張良廟教淵流濂濂詩維水泱泱傳云泱泱深廣貌馥謂泱即濂濂若蕩者玉篇濂今作蕩廣雅濂濂濂濂也書堯典蕩蕩懷山襄陵

**灑** 順流也一曰水名從水夔聲侯留切

**灑** 水相入也從水從內內亦聲而銳切

水相入也者水經注引字林同玉篇廣韻竝引作水相入見史記五帝本紀正義引作水涯曰灑五音集韻灑小水

人大水也郭注方言淮汭云汭水口也書堯典釐降二女于媯汭水經注河水云歷山有舜井媯汭二水出焉南曰媯水北曰汭水尚書所謂釐降二女于媯汭也孔安國曰居媯水之內皇甫謐曰汭二女于媯水之汭馬季長曰水所出曰汭然則汭似非水名而今見有二水異源同歸渾流西注入於河馥謂異源同歸即水相入也引馬注水所出當作水所入禹貢雍州涇屬渭汭馬注屬入也水所入曰汭又至于龍門西河會于渭汭閭若璩曰禹貢渭汭與洛汭之汭同一解蓋河之南洛之北其兩閭為汭也在今鞏縣河自北來渭自東注實交會於今華陰縣故曰渭汭汭字解有作水北者有作水之隈曲者有作水曲流者有作水中州者總不若說文汭水相入也於此處為確解左氏一書莊四年曰漢汭閔二年曰渭汭宣八年曰滑汭昭元年曰維汭四年曰夏汭五年曰羅汭二十四年曰豫章之汭二十七年曰沙汭定四年曰淮汭哀十五年曰桐汭水名下繫以汭者眾矣又何疑於禹貢哉詩谷風涇以渭濁湜湜其汜傳云涇渭相入而清濁異昭四年左傳楚沈尹射奔命於夏汭杜云夏汭漢水曲入江今夏口也昭二十七年傳令尹子常以舟師及沙汭而還水經注渠水云沙水東流注於淮謂之沙汭又注河水云洛水于鞏縣東

逕洛汭北對琅邪渚入於河謂之洛口矣馥案昭元年左傳館於維汭即此是也又水經注渭水云左傳閔公二年號公敗犬戎於渭隊服虔曰隊謂汭也王肅云汭入也內亦聲者當為內聲書禹貢渭汭正義引鄭云汭之言內也堯典媯汭釋文汭水之內也莊四年左傳漢汭杜注汭內也閔二年傳渭汭正義汭字以內為聲明是水之隈曲之內也

**灑** 淡清也從水肅聲 子叔切

淡清也者李善注愚无賦引字林同玉篇灑水深清也廣雅灑清也

**溲** 長流也一曰水名從水寅聲 以淺切

長流也者廣韻演水長流貌釋名演延也言蔓延而廣也海賦東演析木一曰水名者集韻演音引水名

**漶** 流散也從水奘聲 呼貫切

流散也者易風行水上渙正義渙者散釋之象詩訪落繼猶判渙傳云渙散也老子渙兮若冰之將釋郭璞水泉譜

川瀆綺錯  
渙瀾流帶

**俠流也從水必聲**  
兵媚切

俠流也者李善注魏都賦引作水駛流也廣韻泌水浹流釋言浹徹也江賦長波浹灑注云浹灑水湧漙也詩衡門泌之洋洋正義云泌者泉水涓流不已乃至廣大也或借泌字廣雅泌流也詩邶風泌彼泉水本書眇下引詩作泌魏都賦泉泌湧而自浪李善云泌與泌同

**水流聲從水昏聲**  
古活切

水流聲者詩顧人北流活活傳云活活流也長笛賦汨活澎湃

**涪或從暗**

**水流涪涪也從水皆聲一曰涪涪寒也詩曰風雨涪涪**

古諧切

水流涪涪也者詩鼓鐘淮水涪涪詩曰風雨涪涪者鄭風風雨文彼作淒淒廣韻涪風雨不止淒俗作淒玉篇淒寒也邶風淒其以風嚴氏詩緝謂淒從久故寒臆說也

**涪流也從水立聲上黨有涪氏縣**  
胡猷切

涪流也者徐鍇本作涪涪流後漢書張衡傳水涪云而涪濤注云涪涪水貌上黨有涪氏縣者見地理志寰宇記澤州高平縣本漢涪氏縣屬上黨郡

**水流兒從水彪省聲詩曰漈池北流**  
皮彪切

水流兒者漈經典作漈廣雅漈漈流也詩曰漈池北流者小雅白華文傳云漈流貌初印本作漈沱

**疾流也從水或聲**  
干通切

疾流也者本書或水流也六書故引作水流疾或或也淮南本經訓洶游灑或高注皆文畫擬象水勢之兒南都賦漈漫漈瀟瀟



浮兒從水凡聲孚梵切

浮兒者詩二子乘舟汎汎其景傳云如乘舟而無所薄汎汎然迅疾而不礙也史記司馬相如傳羣浮乎其上浮淫汎濫隨風澹淡索隱曰郭璞云皆鳥任風波自縱漂兒廣雅汎汎汎汎浮也詩溱與洧方渙渙兮釋文渙說文作汎汎音父弓反馥案陸氏所見本當有引詩之文父弓反者如風鳳其皆從凡得聲廣韻汎房戎切集韻符風切

轉流也從水云聲讀若混王分切

轉流也者釋言云汎也釋文引說文云云轉流也一日汎馥案今闕下三字柳宗元懲咎賦沂湘流之汎汎讀若混者集韻混淪流水轉兒

澆也從水告聲虞書曰洪水浩浩胡老切

澆也者類篇引作饒也禮記王制用有餘曰浩虞書曰洪水浩浩者堯典湯湯洪水方割蕩蕩懷山襄陵浩浩滔滔天

莽汎大水也從水亢聲一日大澤兒胡朗切

莽汎大水也者玉篇汎濬汎廣兒一切經音義七引通俗文水廣大謂之濬汎也釋言汎汎也郭注水流濬汎水經注引風俗通汎濬也言乎淫淫濬濬無涯際也高唐賦涉濬濬南都賦濬汎洋濫西京賦滄池濬汎薛注濬汎猶汎濬亦寬大也江賦汎濬晶濬海賦冲融汎濬羽獵賦鴻濬汎汎魯都賦又有鹽池濬汎一日大澤兒者博物志停水東方曰都一名汎續述征記齊人謂湖為汎

水從孔穴疾出也從水從穴穴亦聲呼穴切

水從孔穴疾出也者釋水汎泉穴出馥按滴水一名汎水以其湧出也穴亦聲者當為穴聲

水暴至聲從水鼻聲匹備切

水暴至聲者吳都賦漚馬洶洶五臣注漚水暴至聲也上林賦漚漚汎汎漚史記司馬相如傳澎漚汎漚索隱曰司馬彪云漚漚水聲長笛賦汨活澎漚



**灇** 水小聲從水齋聲 士角切

水小聲者史記司馬相如傳灇灇賈陸索隱引本書灇水之小聲也高唐賦巨石溺溺之灇灇兮

**灇** 水疾聲從水翕聲 許及切

水疾聲者韻會引徐鍇本水流疾聲也集韻灇或作湏上林賦汨湏漂疾

**騰** 水超涌也從水朕聲 徒登切

水超涌也者本書涌騰也玉篇詩曰百川沸騰水上涌也或通作騰史記司馬相如傳橫流逆折轉騰激洌後漢書荀彧傳山東騰沸吳都賦潰薄沸騰騰五臣注波浪湧起為沸騰也

**灇** 涌出也一曰水中坻人所為為灇一曰灇水名在京

兆杜陵從水喬聲 古穴切

涌出也者本書喬滿有所出也廣韻灇泉出兒李巡注爾雅云水泉從下上出曰涌泉漢書音義灇水聲而非水也

馥案水聲涌出之聲 一曰水中坻人所為為灇者釋水

小注曰坻人所為為灇郭云人力所作御覽引舍人云人力於水中為居止釋文云按郭圖水中自然可居者為洲

人亦於水中作洲而小不可止住者名灇灇水中地也釋名人力所為之曰灇灇術也堰使水鬱術也魚梁水碓之謂也 一曰灇水名在京兆杜陵者地理志右扶風鄠縣

灇水出東南又有灇水皆北過上林苑入渭三輔黃圖灇水在杜陵從皇子陂西北流經昆明池入渭水經注渭水

云次水上承皇子陂于樊川其地即杜之樊鄉也西北流逕杜縣之杜原西又北逕長安城西與昆明池水合又北

流注渭亦謂是水為灇水也故呂忱曰灇水出杜陵縣史記司馬相如傳鄠鄠灇灇索隱曰姚氏云灇水出杜陵今

名次水自南山皇子陂西北流注昆明池入渭顏注漢書云地理志鄠縣有灇水北過上林苑入渭而今之鄠縣則

無此水許慎云灇水在京兆杜陵此即今所謂沈水從皇子陂西北流經昆明池入渭者也蓋為字或作水旁穴與

沈字相似俗人因名沈水乎將鄠縣灇水今則改名人不識也寰宇記雍州萬年縣沈水說文云灇水出杜陵今名沈水自南山皇子陂西北流入又云長安縣灇水即沈水也東自萬年縣界流入亦謂灇水亦謂高都水漢末王氏

五侯大修池沼引高都水入城卽此水

灑

水涌光也者徐鍇韻譜洗水湧玉篇洗水兒集韻洗與滉

古黃切

同水深廣貌江賦廣滉困泣從光光亦聲者當云光聲

詩曰有洗有潰者邶風谷風文傳云洗洗武也此本爾雅非本書義

涇

水涌流也者釋水大波爲

涇

水涌流也者釋水大波爲涇

灑

江水大波謂之灑從水雲聲

王分切

灑 江水大波謂之灑者通作灑 云杜甫詩云云逆素浪

灑

大波爲灑者釋水文郭注言渙灑釋文作灑孟子觀水

洛干切

有術必觀其灑注云灑水中大波也海賦洪濤灑汗

灑

灑或從連

釋水河水清且灑灑釋文云李依詩作連釋名風吹水波成文曰灑灑連也波體泛流相連及也詩漸漸之石箋云與衆豕涉入水之波連釋文連一本作灑

灑

小波爲灑從水侖聲詩曰河水清且淪漪一曰沒也

力連切

小波爲灑者釋水文郭注言灑灑薛君韓詩章句從流而風曰灑釋名水小波曰灑灑倫也小文相次有倫理也長笛賦波灑鱗灑詩曰河水清且淪漪者魏風伐檀文灑彼作猗傳云小風水成文轉如輪也馥謂灑當爲猗語詞也上文灑猗直猗皆釋灑直而不釋猗是也莊子大宗師而已反其真而我猶爲人猗一曰沒也者廣雅同書微子今殷其灑喪水經注喝石灑沒於洪波

灑

灑也從水與聲

匹消切又匹妙切

說文解字義證

卷三十四

三

浮也者洞簫賦漂乍弃而為他李善引本書同廣雅  
浮漂也孫子兵勢篇激水之疾至於漂石者勢也

浮 汜也從水孚聲

縛牟切

汜也者玉篇水上曰浮禹貢浮于濟潔傳云順流曰浮詩  
小雅載沈載浮論語乘桴浮于海穆天子傳天子浮於榮  
水越語范蠡遂輕舟而浮於五湖淮南說山訓百人抗浮

汜 汜也從水監聲一曰濡上及下也詩曰畢沸濫泉一

曰清也

盧駁切

汜也者後漢書班固傳注引作泛也宋祁校漢書敘傳引  
字林濫汜濫也家語三恕篇夫江始出於岷山其源可以  
濫觴管子地員篇濫車之水注云其水深渺能汜車楚詞  
九辨何汜濫之浮雲兮 一曰濡上及下也者集韻引作  
濡土濡漬也魯語宣公夏濫於泗淵注云濫漬也 詩曰  
畢沸濫泉者小雅采芣芣沸濫泉傳云芣沸泉出貌濫泉  
正出也初印本作芣沸濫泉宋本作芣本芣書沸下又引詩  
畢沸濫泉大雅瞻印芣沸濫泉箋云濫泉正出涌出也芣

沸出貌涌泉之源所由者深釋水濫泉正出正出涌出也  
釋名水正出曰濫泉濫銜也如人口有所銜口閭則見也  
漢書敘傳懷汎濫而測深乎重淵應劭曰側出曰汎泉正  
出曰濫泉 一曰清也者郭泰別傳奉高之器譬諸汎濫

雖清而  
易挹

汎 濫也從水已聲

孚梵切

濫也者楚詞卜居將汎汎若水中之  
鬼乎漢書賈誼傳汎乎若不繫之舟

汎 下深兒從水弘聲

烏宏切

下深兒者一切經音義十七引作下深大也吳都賦汎澄  
奮濼李善引本書亦作下深大也廣雅汎汎深也江賦極  
汎量而海運

回 回也從水韋聲

羽非切

回也者本書淵回水也澁回泉也徐鍇本一曰水名廣韻  
淖水名漢書溝洫志關中靈軹成國淖渠注云水出韋谷

元和志武德三年分岐山縣置圍川縣取漳川水為名近代訛作圍

測

深所至也從水則聲切初側

深所至也者玉篇廣深曰測釋言潛深測也郭注測亦水深之別名淮南說林訓以篙測江篙終而以水為測惑矣班固答賓戲懷沈濫而測深乎重淵

湍

疾瀨也從水湍聲他端切

疾瀨也者許注淮南云湍水疾也廣韻湍急瀨也廣雅湍瀨也御覽湍下引益陽縣關羽瀨永嘉郡百簿瀨桂陽未陽兩瀨華嚴經音義湍疾瀨也淺水流於砂上曰湍一切經音義四水流沙上曰瀨瀨淺水也楚詞九章長瀨湍流沂江潭兮王注湍亦瀨也漢書溝洫志水湍悍顏注急流曰湍吳都賦混濤并瀨劉逵注瀨急湍也劉德明南康記贛水奔流二百餘里橫波嶮瀨二十四處

淙

水聲也從水宗聲藏宗切

水聲也者沈約詩百丈注懸宗韓愈詩東流水淙淙

激

水礙衰疾波也從水敎聲一曰半遮也古歷切

水礙衰疾波也者一切經音義十一引作水礙耶疾急曰激也又十四引莊子汗者激司馬彪曰流急曰激孟了激而行之可使在山一曰半遮也者或通作激字書激也史記司馬相如傳激卻受訛索隱曰司馬彪云激遮也

洞

疾流也從水同聲徒弄切

疾流也者本書駟馳馬洞去也西都賦潰渭洞河李注引本書同馥案水經有洞過水亦謂其流疾也

濤

大波也從水旒聲孚袁切

大波也者元結引東泉詩此流又高懸濤瀾在長空

洄

涌也從水回聲許拱切

涌也者上林賦洶涌澎湃吳都賦漚馬洶洶高唐賦漚洶洶其無聲兮李善云說文曰洶洶涌也謂水波騰兒

**漚** 滕也從水甬聲一曰涌水在楚國

余隴切

滕也者釋名水上出曰涌泉釋水濫泉正出正出涌出也李巡云水泉從下上出曰涌泉詩瞻卬聲沸檻泉箋云檻泉正出涌出也昭五年公羊傳濱泉者何直泉也直泉者何涌泉也呂氏春秋木味篇高原之山其上有涌泉焉論衡狀雷篇泉暴出者曰涌七發波涌而濤起或借騰字詩十月之交百川沸騰後漢馮衍傳風騰波涌一曰涌水在楚國者方言沅涌澧幽之語注云涌水今在南郡華容縣也莊十八年左傳閻敖游涌而逸杜云涌水在南郡華容縣水經江水云又東南當華容縣南涌水入焉酈注水自夏水南通於江謂之涌口二水之間春秋所謂閻敖游涌而逸者也盛弘之荊州記江津東十餘里中有夏洲又二十餘里有涌口所謂閻敖游涌而逸寰宇記荊州江陵縣東南五十里有涌水源東行百餘里會於江

**漚** 漚漚也從水拾聲

丑入切

沿沿漚也者本書漚漚涌兒涌或作漚玉篇上林賦云沿漚漚漚漚漚謂水微轉細涌也顏注言水之流外爨漚漚也周成雜字沿漚水沸之貌也海賦瀕漚漚漚

**漚** 直流也從水空聲

哭工切又苦江切

**漚** 激水聲也從水勺聲井一有水一無水謂之漚洶

市若切

激水聲也者釋名井一有水一無水曰漚洶漚也洶有山經視山有井焉名曰天井夏有水冬竭又超山其陽有井冬有水而夏竭玄中記貴州有漏洶一曰百盈百竭應刻漏

**漚** 井一有水一無水謂之漚洶從水尉聲

居例切

**漚** 混流聲也從水軍聲一曰漚下兒

戶昆切

混流聲也者渾混聲相近史記司馬相如傳汨乎渾流文  
選作混流七命溟海渾溲涌其後李善引本書渾流聲也  
王篇渾水漬涌之聲也 一日誇下  
兒者謂渾濁也老子渾兮其若濁

**灑** 水清也從水削聲 易曰井冽寒泉食 良辭切

水清也者李善注長笛賦引作清也廣雅冽清也 易曰  
井冽寒泉食者井卦文本書初刻無食字後乃補入御覽  
玉篇風俗通引  
易竝無食字

**灑** 清湛也從水叔聲 殊六切

清湛也者廣雅  
雅淑清也

**澗** 水盛也從水容聲 余隴切 又音容

水盛也者甘泉賦溶方  
皇于西清李注溶盛貌

**澗** 清也從水徵省聲 直陵切

清也者廣雅方言同後漢書張衡傳澗泆而為清注云  
澗清也又儒林傳贊淵源誰澗俗作澄易損卦君子以懲  
忿窒欲釋文鄭云猶清也蜀才作澄賈誼書澄五湖而定  
東海吳志孫靜傳頃連雨水濁兵飲之多腹痛令促具饗  
缶數百口澄水通鑑成都乏  
水取摩訶池泥汁澄而飲

**清** 眼也者釋名青青也去濁遠穢色如青也文子清之為明  
杯水見眸子濁之言閭河水不見泰山詩大明會朝清明  
正義晚則塵昏且則清故謂朝且為清明古詩曰清晨登  
隴首是清亦古今之通語也 澗水之兒者玉篇清澄也  
考工記斲氏凍帛清其灰而盪之  
注云清澄也於灰澄而出盪盪之

**澗** 水清底見也從水是聲詩曰澗澗其止 常職切

水清底見也者詩釋文引作水清見底徐鍇韻譜澗水見  
底玉篇澗水清也廣雅澗清也 詩曰澗澗其止者邶風  
谷風文彼作泚箋云澗  
澗持正貌非本書義

灇

水流浼浼兒從水閔聲

眉煩切

水流浼浼兒者澗浼聲相近廣韻澗與浼同水流平兒

滲

下澆也從水參聲

所禁切

下澆也者徐鍇本澆水下兒繫傳云水下所謂滲澆一切經音義四滲盡也下漏曰滲廣雅澆滲也方言澆極也注云滲澆極盡也淮南主術訓不澇澤而漁高注澇澤澆池也史記司馬相如傳滋液滲澆通鑑到彥之自淮入泗水滲日行纔十里注去說文水下澆為滲澆或作蓋考工記帆氏清其灰而蓋之

澇

不流濁也從水圍聲

羽非切

不流濁也者廣韻澇水不流濁兒

澇

亂也一曰水濁兒從水囙聲

胡困切

亂也者字林同玉篇楚辭云世澇濁而不分兮澇亂也易噬嗑注不澇乃明釋文澇雜也亂也秦策書策稠濁高二云

澇

濁也從水厲聲一曰澇泥一曰水出兒

古忽切

濁也者法言吾子篇書惡淫辭之澇法度也注云澇濁也一曰澇泥者本書澇多汁也廣韻澇泥澇泥廣雅澇淖也楚辭漁父何不澇其泥而揚其波一曰水出兒者史記樛里子傳滑稽多智正義云滑稽讀為澇水流自出言其智計宣吐如泉流出無盡

澇

回泉也從水旋省聲

似沿切

回泉也者一切經音義十八引作澇淵也廣韻澇澇澇澇釋水過辨回川郭注旋流李善注江賦引淮南子注九旋之淵至深荀子臣道篇水深則回注云回旋流也水深不滿峻則多旋流也華嚴經音義三蒼復深也謂河海中回旋之處是也

澇

深也從水崔聲詩曰有澇者淵

七罪切

詩曰有漑者淵者小雅  
小弁文傳云漑深也

**淵** 回水也從水淵象形左右岸也中象水兒鳥立切

回水也者本書叟從又托回下回古文回淵水也華嚴  
經音義水洄曰淵禹貢東匯澤為彭蠡鄭注匯回也漢與  
江鬪轉東成其澤矣考工記匠人欲為淵則句於矩注云  
大曲則流轉流轉則其下成淵魯語宣公夏濫於泗淵管  
子度地篇出地而不流者命曰淵水列子黃帝篇鯢桓之  
潘為淵止水之潘為淵流水之潘為淵濫水之潘為淵沃  
水之潘為淵洄水之潘為淵雍水之潘為淵汙水之潘為  
淵肥水之潘為淵殷敬順釋文潘本作蟠蟠洄流也張協  
雜詩回淵可比心陸機漢高帝功臣頌大畧淵回史記仲  
尼弟子列傳顏回字子淵急就篇褚回池顏注回池猶顏  
回字子淵之義也南齊書褚淵  
字彥回陶氏家傳陶回字公淵

**淵** 或省水

或省水者後人亂之九經字樣淵古文淵本書肅從幸在  
淵上前云從水淵此云或省水先有淵字正文而後有省

體豈淵之從淵正文反從省體邪斯不然矣前象  
形云云即解此字川左右岸也昔中象水兒也

**川** 古文從口水

古文從口水者當作  
水舊刻李燾本篆作

**漑** 滿也從水爾聲奴禮切

滿也者玉篇作漑深也盛也詩新臺河水漑漑傳云漑漑  
盛貌釋文云說文云水漑也馥案俗言美滿蓋漑滿譌也

**漑** 水搖也從水詹聲徒濫切

水搖也者李善注高唐賦琴賦引同又注東京賦引作水  
搖貌也玉篇漑水動兒史記天官書水漑澤竭漢書司馬  
相如傳汎淫汎濫隨風漑淡與波搖蕩奄薄水階又難蜀  
父老文灑沈漑災蘇林曰言分其沈漑搖動之災也七發  
湍流遡波又漑淡之李善注漑淡搖蕩之貌也東  
都賦西邊河源東漑海濬魏武帝樂府水何漑漑

**漑** 旁深也從水尋聲徐林切



旁深也者江淹雜體詩秋榮冒水潯李善引本書潯旁深也又注江賦引許注淮南云潯水涯也又注七發引字林潯水涯也廣韻旁深水涯二義兼收

谷也從水平聲符兵切

水兒從水出聲讀若窰竹律切又

水兒者玉篇泐水出兒廣韻同倉頡篇泐水通兒文子通原篇原流泐泐冲而不盈讀若窰者廣韻泐苦骨切漚池

水至也從水薦聲讀若尊又在

水至也者徐鍇本作水至兒易坎卦水瀉至唐石經作泐讀若尊者集韻瀉徂昆切

土得水沮也從水智聲讀若黼竹隻切

土得水沮也者集韻滌水土和也月令地氣沮泄是謂發天地之房

盈溢也從水滿聲莫旱切

盈溢也者本書盈滿器也溢器滿也廣韻滿盈也廣雅滿充也書大禹謨不自滿假傳云滿謂盈實

利也從水骨聲戶八切

利也者周禮會醫調以滑甘疏云滑者通利往來考工記軸有三理三者以為利也注云利滑密也內則滌澹以滑之注云齊人謂滑曰澹

不滑也從水齋聲色立切

不滑也者本書澀不滑也一切經音義七澀古文澀今作澀不滑也東方朔別傳新雨生枝滑枯枝澀故鵲立枯枝上後漢書周磐傳齋神養和不以榮利滑其生術

光潤也從水皃聲丈伯切

光潤也者廣韻潤潤澤也徐鍇繫傳引山海經濁澤而有光釋名下而有水曰澤言潤澤也易潤之以風雨虞云潤

澤也書畢命澤潤生民考工記弓人瘠牛之角無澤注云少潤氣少儀澤劍首注云金器弄之易以汗澤正義云澤謂光澤玩弄劍首則生光澤聘義溫潤而澤襄二十八年左傳獻車於季武子美澤可以鑑倍三十年公羊傳河海潤于千里注云潤澤及于千里定元年穀梁傳毛澤未盡注云言秋百穀之潤澤未盡也孟子若夫潤澤之又君子之澤趙注澤者滋潤之澤文子水之道也上天則為雨露下地則為潤澤子華予水函太一之中精故能潤澤百物而行乎地中說苑潤澤草木崔瓊七依加以脂粉潤以滋澤春秋經傳集解序若江海之浸膏澤之潤姚規注易云澤則流潤意林引鬼谷子天生草木以雨潤澤之蔡邕女訓澤髮則思其心之潤也博物志酒泉延壽縣有山出泉著器中如凝膏然極明謂為石澤學師朱恩等題名張澤字君潤三國典畧王潤字子澤會稽先賢傳闕澤字德潤

淫

浸淫隨理也從水至聲一曰久雨為淫

余箴切

浸淫隨理也者徐錯曰隨其脈理而浸漬也釋名淫浸也浸淫旁入之言也廣韻浸浸淫也列子因復指河曲之淫

限書無逸則其無淫于觀于逸于遊于田鄭注淫者侵淫不止周禮小宰去其淫怠注云淫放濫也考工記匠人為溝洫善防者水淫之注云淫讀為淫液之淫幄氏涑帛淫之以蜃曲禮毋淫視正義謂流移也樂記馨淫及商又云咏歎之淫泆之莊二十二年左傳君子曰酒以成禮不繼以淫義也以君成禮弗納於淫仁也襄二十八年傳歲狂星紀而淫於元枵昭元年傳淫生六疾陰淫寒疾陽淫熱疾風淫未疾雨淫腹疾晦淫惑疾明淫心疾詩賓之初筵序云沈湎淫液韓子神不淫放則身全史記孝武本紀侵尋於泰山矣索隱侵尋即浸淫也小顏云浸淫漸染之義蓋尋淫聲相近假借用耳漢書司馬相如傳浸淫促節上林賦封疆畫界者非為守禦所以禁淫也郭璞曰欲以杜絕淫放耳長門賦神怳怳而外淫論衡自紀篇淫讀古文論語浸潤之譖鄭注譜人之言如水之浸潤漸以成之離騷謠詠謂余以善淫陳啟源曰古之言淫者多矣於星言淫於雨言淫於水言淫於刑言淫於遊觀田獵言淫皆言過其常度耳樂之五音十二律長短高下皆有節焉鄭聲靡曼幼渺無中正和平之致使聞之者導欲增悲沈溺而忘反故曰淫也一曰久雨為淫者月令淫雨蚤降注云淫霖也雨三日以上為霖莊十一年左傳天作淫雨害於

案盛字或作霑淮南  
修務訓禹沐浴霑雨

**灑**

灑也從水灑聲爾雅曰泉一見一否為灑

子廉切

灑也者字林廣雅並同通俗文灑謂之灑如曲禮四足曰灑注云灑謂相灑汗而灰春秋莊十七年齊人灑于遂公羊云灑者何灑積也釋文云積本又作灑樊毅復華下民租田口筭狀仍雨甘雪灑潤宿麥或借灑字考工記注漚漸也詩氓漸車帷裳史記貨殖傳漸灑於失教漢書郊祀志漸臺高二十餘丈顏注漸浸也三輔黃圖灑臺在太液池中灑浸也言為池水所浸也董仲舒傳漸民以仁晁錯傳丈五之溝漸車之水顏注漸讀曰灑謂浸也爾雅曰泉一見一否為灑者釋水文郭注灑纔有貌廣韻灑泉水出微兒

**灑**

水所蕩洗也從水失聲

夷質切

水所蕩洗也者蕩當為濼釋名水洗出所為澤曰掌水停處如手掌中也今兗州人謂澤曰掌也禹貢溢為滎鄭本溢作

**灑**

漏也從水貴聲

胡對切

漏也者徐鍇本有亦決也三字字林灑滂決也灑書文帝紀大水灑出顏注滂決曰灑後漢書班固傳灑滂洞河注引蒼頡篇曰灑滂決也文三年左傳沈灑凡民逃其上曰灑杜云灑眾散流移若積水之灑自壞之象也

**灑**

水不利也從水參聲五行傳曰若其灑作

郎計切

水不利也者五音集韻引作水不和也莊子陰陽之氣有灑釋道安諫苻堅曰東南卑濕灑氣易構五行傳曰若其灑作者漢書孔光傳引洪範五行傳六灑之作顏注灑惡氣也音戾谷永傳傳曰六灑作見若不共御六罰既浸六極其下顏注此洪範之傳也灑災氣也五行志唯金灑木服虔曰灑害也如滔曰灑音拂戾之戾義亦同尚書大傳維金灑木注云灑也凡六氣相傷謂之灑王觀國曰灑者相連之義也五行之性相連而不相為用則災禍由之以生古之論五行者有六灑謂金灑木也木灑金也水灑火也火灑水也金木水火土灑天也故五行為之相連而灑焉

淺 不深也從水菱聲七衍切

不深也者詩匏有苦葉深則厲淺則揭

溥 水暫益且止未減也從水寺聲直里切

水暫益且止未減也者益當為溢謂水少少溢出即止未減損也

涓 少減也一曰水門又水出邱前謂之涓邱從水省聲

息并切

少減也者本書涓減也釋名省嗇也約少之言也鄉飲酒義拜至獻酬辭讓之節繁及介省矣注云小減曰省僖二十一年左傳既食省用史記集解序殊恨省畧漢書李廣傳莫府省文書注云省少也 又水出邱前謂之涓邱者釋邱水出其前涓邱

渟 泥也從水亭聲奴教切

泥也者字林濡甚曰渟蒼頡篇渟深泥也通俗文和澹曰渟廣雅澹渟也成十六年左傳有渟於前杜注渟泥也漢書韋元成傳天雨渟不駕駟馬車而騎至廟門顏注渟泥也

涇 小溼也從水翠聲遵誅切

小溼也者小當為下玉篇溼下溼也廣韻同本書隰阪下溼也

溼 溼暑也從水辱聲而蜀切

溼暑也者廣韻溽溽暑濕熱廣雅溽溼也月令季夏之月土潤溽暑注賦林無不溽

涅 黑土在水中也從水從土日聲奴結切

黑土在水中者論語釋文引同玉篇涅水中黑土廣雅涅黑也論語不日白乎涅而不緇孔安國曰涅可以染皁者言至白者染之涅而不黑山海經孟門之山其下多黃堊涅石淮南說山訓流言雪汗譬猶以涅拭素也高云涅黑也史記屈原傳矚然泥而不滓索隱曰泥音涅 日聲者聲不相近五經文字云從日從土馥案本書隍從毀省

五結切 澁亦從星

益

益也從水茲聲一曰滋水出牛飲山白陘谷東入呼

沱子之切

益也者昭三年左傳庶民罷敝而宮室滋侈二十六年傳吾滋不從也杜注益也定二年傳邾子怒命執之弗得滋怒茲聲者茲當為器本書器艸木多益一曰滋水出牛飲山白陘谷者地理志常山郡南行唐牛飲山白陸谷滋水所出趙一清曰漢志白陸谷說文作白陘谷俗本漢書誤也寰宇記無極縣資河從鎮州九門縣東北界入無極界東南入滹沱河兩岸高阜無堤說文云出牛飲山白陘谷馥案滋資聲近東入呼沱者北山經高是之山滋水出焉而南流注於虜沱寰宇記引水經滋水又東至新市縣入滹沱河

澁

青黑色從水名聲乎骨切

廣韻作澁 集韻云隸作澁 書益稷 在治忽史記作來始滑骨即澁之譌

青黑色者廣韻引作青黑兒集韻漬去色曰澁呂氏春秋水之性清上者摶之高云摶濁也

澁

澁也從水邑聲於及切

澁也者玉篇澁澁潤也廣雅澁澁也釋名澁澁也詩厭澁行露傳云厭澁澁意也漢書司馬相如傳踰波趨澁郭璞曰澁窳陷也齊民要術收子薄布陰乾勿令澁鬱

水

水散石也從水從少水少沙見楚東有沙水

所加切

水散石也者詩鳧鷖正義引作水中散石也馥謂如散木之散文子水之性欲清沙石穢之楚東有沙水者水經注渠水云新溝又東北流逕牛首鄉北謂之牛建城又東北注渠即沙水也音蔡許慎正作沙音言水散石也從水少水少沙見矣楚東有沙水謂此水也昭二十七年左傳令尹子常以舟師及沙汭而還注云沙水名土地名沙汭地楚東

譚

譚長說沙或從小

心子結切

易需卦需于沙釋文沙鄭作沘馥案沘即此沙形誤水經注云音蔡蔡當為察察少聲近

灑

水流沙上也從水賴聲

洛帶切

水流沙上也者李善注月賦引同華嚴經音義引作淺水  
流沙上也一切經音義四說文水流沙上曰灑灑淺水也  
字林灑水流沙上也水淺流曰灑也漢書司馬相如傳北  
揭戶灑顏注戶而淺流曰灑魏都賦戶灑湯湯五臣云戶  
灑有戶而淺流史記南越傳為戈船下厲將軍徐廣曰厲  
一作灑應劭曰灑水流沙上也論衡書虛篇溪谷之深流  
者安詳淺多沙戶激揚為灑又狀雷篇湍灑之流沙戶轉  
而大戶不移景福殿賦灑戲鯁條靈運過七里灑詩戶  
淺水潺湲又山居賦灑排沙以積邱元  
和志建德縣七里灑在縣東北十里

濇

水厓也從水賁聲詩曰敷彼淮濇

符分切

水厓也者釋水汝為濇本書涓下引作汝為涓括地志汝  
水至豫州鄆城縣名濇經典作墳周禮大司徒辨其山林  
川澤邱陵墳衍原隰之名物注云水厓曰墳廣雅墳厓也  
釋地墳莫大於河墳郭云墳大防李巡曰墳謂厓岸狀如

墳墓名大防也詩遵彼汝墳傳云墳大防也楚詞九章登  
大墳以遠望兮注云水中高者為墳詩云遵彼汝墳後漢  
書百官志司空浚溝洫修墳防之事馥案本書墳大防也  
諸書借墳為坊李巡謂狀如墳墓失之胡渭曰詩汝墳傳  
曰汝水名墳大防也箋以為汝水之側淮濇傳云濇淮也  
箋以為淮水大防毛鄭彼此互異正義遂謂濇從水墳從  
土故其義有別而實不然爾雅釋邱濇大防康成注大司  
徒墳衍云水厓曰墳屬道元以濇為水側之濇是知濇與  
墳字別而義同其互異者乃所以互相備耳 詩曰敷彼  
淮濇者大雅常武文彼作鋪敦淮濇傳云濇厓馥案汝墳  
正義引此作墳厓後漢書馮緄  
傳敷敦淮濇注云水厓曰濇

涘

水涯也從水矣聲周書曰王出涘

牀吏切

水涯也者本書無涯字類篇引作厓小字本徐鍇韻譜並  
作厓釋邱涘為厓郭云謂水邊馥案本書邊行垂厓也詩  
葛藟在河之涘藜藿在木之涘大明在渭之涘傳並云涘  
厓也信元年公羊傳自南涘何注涘水涯莊子秋水篇兩  
涘渚崖之間釋文云涘涯也江賦櫛杞稂薄於溔涘五臣  
注溔涘皆岸也或借汜字幽通賦羊疆大於南汜曹大家

日汜涯也閒居賦或禊於汜五臣云汜水岸也周書曰  
王出渙者太誓逸篇文彼云太子發升舟中流白魚入於  
王舟王跪取出渙以燎鄭注渙  
涯也王出於岸上燔魚以祭

**汜** 水厓也從水午聲呼古切

水厓也者經典作汜廣韻汜水岸釋邱岸上汜郭注岸上  
地釋水淮為汜又汜水厓郭注水邊地邢疏謂水邊厓岸  
之地詩葛藟在汜之汜傳云水厓曰汜縣率西水汜傳云  
汜水厓也趙注孟子汜水厓也江漢江漢之汜箋云汜水  
涯也後漢書馮衍傳秣吾馬  
於穎汜注引字林汜水厓也

**汜** 水厓枯土也從水九聲爾雅曰水醮曰汜者釋水文彼  
居消切

水厓枯土也者廣韻同爾雅曰水醮曰汜者釋水文彼  
作屨釋文云屨字又作漑馥案釋水沈泉穴出穴出仄出  
也屨沈二訓與本書互異釋名側出口沈泉沈軌也流狹  
而長如車軌也詩大東有列沈泉傳云側出口沈泉列子  
黃帝篇沈泉之潘為淵注云沈音軌水泉從旁  
出也應劭注漢書側出口沈泉此皆與爾雅同

**濬** 水厓也從水脣聲詩曰宣河之濬常倫切

水厓也者許注淮南同本書限水阜也廣雅濬厓也釋邱  
夷上灑下曰濬郭云厓上平坦而下水深者為濬孫炎云  
平上附下故名曰濬詩葛藟在河之濬傳云濬水隙也正  
義云隙是山岸濬是水岸故曰水濬後漢書班固傳東澹  
海濬注云濬水涯詩曰宣河之濬者魏風  
伐檀文彼作宣之河之濬兮傳云濬厓也

**瀕** 瀕也從水甫聲滂古切

瀕也者詩釋文藝文類聚白帖並引作水瀕也徐鍇本同  
本書瀕水厓人所賓附玉篇水源枝注江海邊曰浦廣雅  
浦厓也詩常武率彼淮浦傳云浦涯也楚詞望滂陽兮極  
浦呂氏春秋召類篇堯戰於丹水之浦注云浦岸也一日  
崖也漢書司馬相如傳行乎洲淤之浦顏注浦水涯也地  
理志臨淮郡淮浦縣應劭曰浦涯也風土記大水有小口  
別通曰浦江夏記南浦在縣南三里離騷曰送美人兮南  
浦以其在縣之南故稱南浦述異記上虞縣有魚馳步吳  
中有瓜步江中有魚步湖中有靈妃步按吳楚  
謂浦為步蓋語訛曰馥案廬江箏笛浦亦稱步

小渚曰泚從水止聲詩曰于沼于泚諸市切

小渚曰泚者釋水文彼作階釋邱水出其右正邱釋名作泚邱釋名小渚曰泚泚止也小可以止息其上也詩蒹葭宛在水中泚傳云小渚曰泚鳧鷖在渚傳云渚泚也箋云水中之有渚猶平地之有邱也谷風湜湜其泚箋云小渚曰泚隱三年左傳湖谿沼泚之毛杜注泚小渚也楚詞九懷淹低徊兮京泚注云水中可居為洲小洲為渚小渚為泚或借泚字穆天子傳以飲於枝泚之中郭注水岐成泚詩小渚也音止 詩曰于沼于泚者召南采芣文傳云泚也

畢沸濫泉從水弗聲分勿切又方未切

畢沸濫泉者宋本及類篇並作澤徐錯本濫下引詩亦作澤詩采菽鬻沸檻泉傳云鬻沸泉出貌檻泉正出也瞻卬鬻沸檻泉箋云檻泉正出涌出也鬻沸出貌釋水濫泉正出正出涌出也釋名水正出曰濫泉濫銜也如人口有所銜口闔則見也詩十月之交百川沸騰傳云沸出隋書地理志襄陵郡梁縣有濫泉元和志絳水一名沸泉水出絳

山東谷懸流奔壑一十許丈異苑白容縣延陵季子廟前井恆自涌沸故曰沸井或借弗字漢書司馬相如傳澤弗必汨顏注澤弗盛兒也

小水入大水曰灑從水從眾詩曰鳧鷖在灑徂紅切

別水也從水從辰辰亦聲匹賣切 別水也者當為水別也本書辰水之衰流別也廣韻派分流也吳都賦百川派別五臣注引字說水別流為派廣雅水自汾出為派

水別復入水也者徐錯本作水別復入也韻會同釋水決復入為汜郭注水出去復還釋名水決復入為汜汜已也

汜詳里切

水別復入水也者徐錯本作水別復入也韻會同釋水決復入為汜郭注水出去復還釋名水決復入為汜汜已也



如出有所為畢已而還入也水經注濟水云荷水東北出於定陶縣北屈左合汜水汜水西分濟瀆東北逕濟陰郡南爾雅曰濟別為澗呂忱曰水決復人為汜廣異名也汜水又東合於荷瀆昔漢祖既定天下即帝位於定陶汜水之陽張晏曰汜水在濟陰界取其汜愛弘大而潤下也汜顧炎武曰開封之汜水左傳本音凡從汜而今呼為濛汜之汜音祀以字形之似而譌也一曰汜窮瀆也者瀆當為瀆木書瀆通溝也古文作瀆釋邱窮瀆郭注水無所通者容齋續筆水絕於已故汜字之訓說文以為窮瀆詩曰江有汜者召南江有汜文傳云決復入為汜本書瀆下引詩江有汜漢書敘傳華疆大於南汜顏注汜江水之別也荆州記江津東十餘里有夏州洲之首江之汜也故屈原云經夏首而西浮

**澗** 澗辟深水處也從水癸聲 癸切

澗辟深水處也者徐鍇本作流水錯韻譜作流川釋水澗關流川郭注通流玉篇澗關流泉廣韻澗泉水通川

**滌** 滌寧也從水寧聲 乃定切

滌寧也者七命何異促鱗之游汀滌李善引本書滌絕小水也此引滌字訓為之或作濕滌漢書揚雄傳梁弱水之濕滌兮顏注濕滌小水之兒也

**熒** 絕小木也從水熒省聲 戶局切

絕小木也者李善注甘泉賦引字林同韓詩外傳滌澤之水無吞舟之魚字或作滌集韻滌絕小木也

**汪** 深池也從水圭聲 一佳切又於瓜切

深池也者方言注汪也曰關而東或曰注莊子齊物論似注有注訓深

**澗** 清水也一曰窟也從水窰聲 一穎切又屋瓜切

清水也者一切經音義引作小水也馥謂清當為積集韻澗澗也玉篇澗牛蹄澗水也一曰窟也者一切經音義引字林音隱云澗或窟一瓜反廣雅澗下也老子澗則盈范應元注當作窟也汗下也地之窟下者水趨之必盈

潢 積水池從水黃聲 乎光切

積水池者集韻引作積水也增韻同一切經音義十七說文潢久積水池也大曰潢小曰潢潢濁水也又十一云潢池也積水曰潢也小曰潢大曰潢方言泚浼澗注潢也注云皆潢池也荆州呼潢也隱三年左傳潢汙行潦之水杜注潢汙水漢書敘傳應龍潛於潢汙顏注潢汙水也後漢書杜篤傳彼培井之潢汙注云潢汙水也孫子行軍篇軍旁有險阻潢井注云潢者池也文選海賦決陂潢而相波字或作滹夏小正滹潦生萃傳云滹下處也有滹然後有潦

沼 池水從水召聲 之少切


池水者一切經音義二十三引作小池也廣韻沼池沼蒼頡解詁沼池也廣雅沼池也風俗通孫子有金城湯池之說後人因此開地為池以養魚鼈圓曰池曲曰沼詩采芣于沼于沚正月魚在沼傳竝云沼池也禮運龜龍在宮沼注云沼池也隱三年左傳淵谿沼沚之毛杜注沼池也孟子王立於沼上趙注沼池也

湖 大陂也從水胡聲揚州浸有五湖浸川澤所仰以灌

漑也 戶吳切

大陂也者廣雅湖池也風俗通義謹按傳曰陂者繁也言因下鍾水以繁利萬物也今陂皆以灌漑續漢書郭泰謂黃叔度汪注若萬頃陂揚州浸有五湖者莊子逍遙游大浸稽天周禮職方氏東南曰揚州其浸五湖注云五湖在吳南鄭注禹四海異物去五湖揚州浸也今屬吳管子夏人之王鑿五湖墨子兼愛篇禹治天下南為江漢淮汝東流注之五湖吳語伍子胥曰與我爭五湖之利者非越乎越語興師伐吳至於五湖呂氏春秋禹通三江五湖淮南子要略禹別河而導九岐鑿江而通九路辟五湖而定東海賈誼書大禹鬢河而道之九牧鑿江而導之九路禮五湖而定東海史記河渠書於吳則通渠三江五湖貨殖傳夫吳有三江五湖之利說苑君道篇禹瀆五湖而定東海吳地記吳王起臺於姑蘇山太史公云余登姑蘇望五湖五湖去此臺二十餘里越絕書越王既往平吳春祭三江秋祭五湖馥案世之說五湖者有三一曰五湖各有其名也義興記太湖射湖貴湖陽湖洮湖是為五湖吳中志

五湖謂貢湖游湖胥湖梅梁湖金鼎湖為五也二曰震澤  
即太湖也禹貢震澤傳云吳南太湖名正義云五湖即震  
澤吳錄書云三江既入震澤底定震澤吳西南太湖也釋  
地吳越之閒有具區郭注今吳縣南太湖即震澤是也三  
曰太湖為五湖也程大昌禹貢論太湖一湖而得五湖  
張勃吳錄五湖者太湖之別名以其周行五百餘里故以  
五湖為名虞翻川瀆記太湖東通松江南通雲溪西通荆  
溪北通瀟湖東連韭溪凡五道謂之五湖韋昭曰五湖者  
胥湖蠡湖洮湖滆湖就太湖而五實一湖也陸龜蒙曰太  
湖上象咸池五車之氣故一水五名葉少蘊云周官九州  
有澤藪有川有浸揚州澤藪為具區其浸為五湖既以具  
區為澤藪則震澤即具區也太湖乃五湖之總名百胡謂  
云揚州澤藪曰具區其川三江其浸五湖浸即後世所謂  
湖也澤藪之水淺或盈或縮湖則渟蓄淵深四時不改今  
太湖自包山以西水極淵深即古之五湖而平望入赤震  
澤之閒水瀾漫而甚淺則古之具區也澤浸之別以此雲  
夢澤方八九百里獨巴邱湖常滿而不涸是亦浸也馥謂  
此三說以太湖為五湖者是浸川澤所仰以灌溉也者  
鄭注職方云浸可以為陂灌溉者地理志寤曰五湖顏注  
浸謂引以灌溉者風俗通曰湖者川澤所仰以灌溉也



水都也從水支聲

章移切

水都也者廣韻波水都名風俗通水澤所聚謂之都亦曰  
瀦或作豬禹貢大野既豬檀弓洿其宮而豬焉鄭注南方  
謂都為豬



十里為成成閒廣八尺深八尺謂之洿從水血聲論

語曰盡力乎溝洿

況逼切

十里云云者考工記匠人文地官遂人百夫有洿注云遂  
溝洿澮皆所以通水襄十年左傳子駟為田洿注云洿田  
畔溝也襄三十年傳田有封洿注云洿溝也莊子庚桑楚  
篇夫尋常之溝釋文八尺曰尋倍尋曰常尋常之溝則周  
禮洿澮之廣深也洿廣深八尺或借洿字詩文王有聲築  
城伊滅傳云滅成溝也箋云方十里曰成洿其溝也廣深  
各八尺正義洿洿音同史記夏本紀致費於溝洿論語  
曰盡力乎溝洿者包注方里為井井閒有溝溝廣深四尺  
十里為成成閒有洿洿廣深八尺也

溝水瀆廣四尺深四尺從水葍聲古侯切

水瀆者呂氏春秋季春紀導達溝瀆釋名水注谷曰溝田  
閒之水亦曰溝溝搆也縱橫相交搆也 廣四尺深四尺  
者考工記匠人九夫為井井閒廣四尺深四尺謂之  
溝地官遂人十夫有溝注云遂廣深各二尺溝倍之

溝也從水賣聲一曰邑中溝徒谷切

溝也者本書墾通溝也 一曰邑中溝者一切經音義十  
二引云又邑中曰瀆也六書故邑屋中水竇也禮運城郭  
溝池以為固史晨碑修通邑中大溝說苑昔者莊王代陳  
舍於有蕭氏謂路室之人曰巷其不善乎何溝之不浚也

水所居從水渠省聲疆魚切

玉篇渠溝渠 史記有河渠書 地理志朔方  
郡渠搜莽曰溝搜又北地郡義渠道莽曰義溝  
水所居者渠居聲相近風俗通謹按傳曰渠者水所居也  
秦時韓人鄭國穿渠孝武帝時趙中大夫白公復穿渠故  
其語曰田於何所池陽谷口趙國在前白渠起後舉錡為  
雲決渠為雨涇水一石其壑數斗且溉且糞長我稷黍衣

谷也從水臨聲讀若林一曰寒也力尋切

一曰寒也者本書瘰  
寒也瘰瘰聲相近

水艸交為澗從水睂聲武悲切

水艸交為澗者釋水文李巡曰水中有草木交會曰澗釋  
名水草交曰澗澗澗也臨水如睂臨目也詩蒹葭在水之  
澗傳云澗水澗也字或作澗廣雅澗澗也又借糜字詩巧  
言居河之麋傳云水草交謂之麋釋文糜本又作澗倍二  
十八年左傳余賜女孟諸之麋杜注水草之  
交曰糜寔字記虞城孟諸澤俗呼為澗臺

溝水行也從水從行戶庚切

溝水行也者周禮稻人以溝蕩水注云  
謂以溝行水也 從行者當云行聲

山夾水也從水閒聲一曰澗水出弘農新安東南入

洛 古莧切

山夾水也者釋山文廣雅澗閒也釋名山夾水曰澗澗閒也言在兩山之間也詩考盤在澗又于以采蘋于澗之中爾雅正文言兩山夾水名之為澗居然可曉而劉周之徒又音夾為類於義無取亦為專輒易漸卦鴻漸於干釋文詩傳云涯也又澗也荀王肅云山閒澗水也一日澗水出弘農新安者禹貢伊洛澶澗傳去澗出澗池山胡渭曰新安澗池本二縣澗水出新安穀水出澗池流同而源異今乃云澗出澗池山是以穀源為澗源也毛晃禹貢指南按地理志弘農郡黽池縣注穀水出穀陽谷東北至穀城入雒新安縣注禹貢澗水在東南入雒二水異縣各源同入洛則水經謂穀澗通稱未必然也馥案夏本紀伊雒澶澗索隱澗水出弘農新安縣東與本書合東南入洛者山海經白石之山澗水出其陰北流注於穀地理志新安縣禹貢澗水在東南入洛水經澗水出新安縣白石山東南入於洛括地志澗水源自洛州新安縣東白石山東北與穀水合流經洛州郭內東流入洛也胡渭曰新安無雒漢志云澗入雒要其歸也其實澗東合穀至河南入雒



隈 隈厓也其內曰

澳 其外曰隈從水奧聲

於六切

隈厓也者本書奧水隈厓也爾雅釋文奧本或作澳廣雅澳厓也水經注淇水隈厓也爾雅釋文奧本或作澳廣雅淇澳毛言澳隈也申鑿時事篇若亂之墜於澳也注云澳厓內近水之地或借奧字詩瞻彼淇奧禮記引作澳其內曰澳其外曰隈者徐錯曰淮南子漁者以其隈澳曲岸相讓內謂岸內曲隈外曲也詩曰泂泂之即書堯典厥民隩鄭注隩內也釋邱隩隈厓內為隩外為隈邢疏云隈當作鞫傳寫誤也詩公劉蒞鞫之即傳云蒞水厓也鞫究也箋云蒞之言內也水之內曰隩水之外曰鞫正義釋邱云隩隈也厓內為隩外為鞫李巡曰厓內近水為隩其外為鞫孫炎云內曲裏也外曲表也是水之內曰隩水之外曰鞫也馥案鄭注職方引詩作蒞泥畢君以珣曰說文其外日隈隈字誤當作鞫爾正隩隈厓內為隩外為鞫釋文鞫如字居六反字林作坵云隈厓外也九六反是爾正原本作鞫無疑說文用爾正成文今作隈者後人依爾正譌本改之也徐錯引詩泂鞫之即則錯本作鞫今作隈者後人也依說文譌本改之也馥案玉篇坵居六切涯也水外為坵廣韻坵與阨同曲岸水外曰阨

夏有水冬無水曰舉從水學省聲讀若學胡角切

夏有水冬無水曰舉者釋山文集韻夏上有山字

舉或不省

水濡而乾也從水鸛聲詩曰鸛其乾矣呼肝切又它干切

水濡而乾也者濡如濡滯之濡乾如旱乾水溢乾封縣之乾春秋莊九年戰于乾時杜注時水旱則竭涸故曰乾時

釋天在申曰涸灘李巡曰灘單盡也字或作潭釋水潭沙

出一切經音義十引郭注今江東呼水內沙堆為潭洛陽北河中有中潭池是也五音集韻潭水中沙出通作灘河

陽縣南有水潭城詩曰鸛其乾矣者王風中谷有蕓文彼作曠傳云曠其貌釋文曠徐音漢說文云水濡而乾也字作灘又作灘皆他安反

俗鸛從佳

魚游水兒從水山聲詩曰烝然汕汕所晏切

魚游水兒者廣韻汕魚乘水上詩曰烝然汕汕者小雅南有嘉魚文傳云汕汕櫟也箋云櫟者今之櫟罟也釋文

引本書同馥案釋器翼謂之汕毛傳本此

行流也從水從夔廬江有洩水出於大別山古穴切

行流也者一切經音義二引作下流也管子君臣下篇洩之則流塞之則止襄三十一一年左傳不如小洩使道孟子

性猶湍水也洩諸東方則東流洩諸西方則西流從夔者徐錯本作夔聲廬江有洩水者本書腴讀若洩水之

洩地理志廬江郡雩婁縣洩水北至蓼入淮水經洩水出廬江雩婁縣南大別山北過其縣東又北過安豐縣東又

北入於淮寰宇記壽州霍邱縣洩水在縣南二百五十里說文云行流也從水夔聲廬江有洩水出大別山又蘇林

解地理志云雩婁縣有洩水北至蓼入淮今據在雩婁縣城南屈曲至光州固始縣入淮今呼史水即為訛謬也又

云光州固始縣洩水在縣東三里源出霍山縣版石山流入縣界出於大別山者當云雩婁大別山水經注引許

慎曰出雩婁縣書內方至于大別寰宇記壽州六安縣大別山在新縣西南三百七十里

**灑** 灑灌也從水絲聲 洛官切

漏流也者集韻引有一曰漬也四字本書灑字滿也滿當為漏魏策昔王季歷葬於楚山之尾灑水齧其墓

**灑** 灑灌也從水音聲 都歷切

水注也者本書涿流下滴也瀝水下滴瀝靈光殿賦動滴瀝以成響

**灑** 灑灌也從水主聲 之戎切

灌也者洞簫賦馨隘隘而注淵李善引本書同一切經音義一引作灑也瀉也廣韻注灑注也詩文王有聲豐水東注

**灑** 灑灌也從水笑聲 烏鶴切

灑灌也者本書澆沃也經典作沃一切經音義四通俗文灑灌曰沃沃亦澆也漬也書說命啟乃心沃朕心正義當

開女心所有以灑沃我心也成六年左傳沃饒而近鹽服注下平有灑曰沃襄二十五年傳井衍沃賈注下平曰衍有灑曰沃列子黃帝篇灑沃水之潘為淵注云沃水泉從上流下也史記周本紀猶其有原隰衍沃也集解引唐固曰有灑曰沃

**灑** 所以灑水也從水昔聲灑律曰及其門洒漑 所責切

所以灑水也者徐鍇本作靡漢書五行志靡河三日不流王莽傳作豈廣雅灑隈也 漢律曰及其門洒漑者史記貨殖傳洒削薄技也洒削即洒漑

**灑** 埤增水邊土人所止者從水筮聲夏書曰過三灑 時制切

埤增水邊土人所止者者水經注清水左右舊有二筮所謂南筮北筮者水側之漬聚楚詞九歌夕濟兮西筮王注筮水涯也宣四年左傳師于漳筮杜注漳筮漳水邊成十五年傳騁而從之則決睢筮杜注筮水涯胡渭曰水邊即

匡埤增之土即大防防大故為人所止也左傳成十五年  
 華元決睢篴睢即睢水篴則其防也故曰決王逸注西篴  
 云水涯杜預注漳篴云水邊義皆與說文合夏書曰過  
 三篴者禹貢文傳云三篴水名入漢鄭注在江夏竟陵縣  
 界史記索隱云水經云三篴地名在南郡鄖縣北孔安國  
 鄭玄以為水名今竟陵有三參水俗云是三篴水寰宇記  
 安州漢州縣漢水源出鄖州長壽縣磨石山東南流名篴  
 水至復州景陵縣界名漢水禹貢山水澤地三篴地在南  
 郡鄖縣北沱酈注尚書曰導漢水過三篴地說曰沔水東  
 行過三篴合流觸大別山阪故馬融鄭玄王肅孔安國等  
 咸以為三篴水名也許慎言篴者埤增水邊土人所止也  
 按春秋左傳文公十有六年楚軍次於句篴以伐諸庸宣  
 公四年楚令尹子越師於漳篴定公四年左司馬戍敗吳  
 師於雍篴昭公二十三年司馬蕞越縊於蕞篴服虔或謂  
 之邑又謂之地京相璠杜預亦云水際及水邊地名也今  
 南陽清陽二縣之間清水之濱有南篴北篴矣而諸儒之  
 論水陸相半又無山源出處之所津途關路惟鄭玄及劉  
 澄之言在竟陵縣界經云鄖縣北沱然沱流多矣論者疑  
 焉而不能辨其所托

**津** 水渡也從水才聲

將鄰切

水渡也者古文苑漢津賦注云都道所湊為津說文曰津  
 渡也釋水九河有鬲津郭注水多阨狹可隔以為津而橫  
 渡書泰誓大會于孟津正義津是渡處論語使子路問津  
 焉鄭注津濟渡之處晉語亦為君之東游津梁之上離騷  
 麾蛟龍使梁津兮注云以蛟龍為橋乘之以渡王隱晉書  
 杜豫啟建河橋於富平津續漢志河東大陽縣有茅津北  
 屈縣有采桑津甘氏星經天津  
 九星在虛北河中主津瀆津梁

**古文津從舟從淮**



**無舟渡河也從水芻聲**

皮水切

無舟渡河也者玉篇徒涉曰湖經典借馮字釋訓馮河徒  
 涉也李巡曰無舟而渡水曰徒涉釋文馮河依字當作棚  
 易泰卦包荒用馮河正義無舟渡水馮陵於河詩小旻不  
 敢馮河傳云馮陵也徒涉曰馮河論語暴虎馮河孔注馮  
 河徒涉哀九年左傳是謂如川之滿不可  
 游也杜注不可馮游詩百朋六韜作百馮



小津也者或借潢字天官書有八星絕漢曰天潢一曰以船渡也者玉篇方舟謂之潢潢航也廣韻潢方舟也

一曰荊州人呼渡津舫為潢或作潢廣雅潢筏也方言方舟謂之潢郭注揚州人呼渡津舫為杭荊州人呼潢音潢或借杭字詩誰謂河廣一葦杭之傳云杭渡也又借潢字六韜大船一名天潢以濟大水又借杭字廣雅論謂之杭集韻輪船前杭也

編木以渡也者集韻附併木以渡廣韻附小木筏也筏下云大曰筏小曰桴乘之渡水方言附謂之籓籓謂之筏筏秦晉之通語也馥案三國志注引郭注方言云附水中籓也籓或作算後漢書岑彭傳乘枋算下江關注云枋算以竹木為之浮於水上鄧訓傳縫革為船置於算上以渡河注云算木筏也釋言舫附也郭注水中籓筏孫炎云方木置水中為附筏也釋水庶人乘附郭注併木以渡詩漢廣不可方思傳云方附也釋文附本亦作桴又作桴或作枋

編木以渡也從水付聲芳無切

竝同谷風方之舟之箋云方附也齊語方舟設附韋注編木曰附楚詞九章乘汜附以下流兮注云編竹木曰附楚人曰附秦人曰撥也吳志妃嬪傳宜伐蘆葦以為附佐船渡軍字或作籓廣雅籓筏也又作枋管子輕重甲篇桀者冬不為枋夏不束枋以觀凍溺又作桴一切經音義二桴編竹木也大者曰筏小者曰桴江南名簿論語乘桴浮於海馬曰編竹木大者曰枋小者曰桴

濟也從水度聲徒故切

濟也者釋言濟渡也詩匏有苦葉濟有深涉或借度字方言過度謂之涉濟注云猶今云濟度漢書賈誼傳度江河

緣水而下也從水占聲春秋傳曰主沿夏與專切

緣水而下也者沿緣聲相近一切經音義二十二字林從水而下曰沿順流也沿亦緣也禹貢沿于江海古文作均鄭注均讀曰沿沿順水行也文十年左傳沿漢沂江杜注沿順流定四年傳子沿漢而與之上下杜注沿緣也或借

巡字祭義陰陽長短終始相巡注云巡讀如沿漢之沿春秋傳曰主沿夏者昭十三年左傳文主當為王杜注順流為沿

**滄** 逆流而上曰滄洄滄向也水欲下違之而上也從水

**滄** 滄聲 桑故切

逆流而上曰滄洄者釋水文孫炎曰逆渡者逆流也俗作滄文十年左傳沿漢沂江杜注沂逆流哀四年傳吳將沂沂入郢杜注逆流曰沂吳語率師沿海沂淮以絕吳路韋注逆流而上曰沂後漢書班固傳沂測其源李注逆流曰沂吳都賦沂洄順流五臣注沂逆流上也宋書張興世傳乃令輕舸沂流而上滄向也水欲下違之而上也者向當為回一切經音義十九三蒼逆流之水曰沂沂洄也馥案違之而上即解回字義回猶違也昭二十六年左傳君無違德論衡變虛篇引作回德

**滄** 滄或從是湖

詩蒹葭邇邇從之傳云逆流而上曰邇邇 七發湍流邇波李注邇波逆流之波也 本書諱或作邇愬

**洄** 滄洄也從水從回 戶灰切

滄洄也者宋書張興世傳舫人洄洄 從回者徐鍇本作回聲

**潛** 潛行水中也從水 丞聲 爲命切

潛行水中也者釋水潛行爲沝郭注水底行也列子黃帝篇因復指河曲之淫隈曰彼中有珠沝可得也注云沝潛行水中也詩漢之廣矣不可沝思傳云潛行爲沝谷風沝之游之箋云潛行爲沝晉書謝立傳小將田沝乃沒水潛行

**潛** 涉水也 一曰藏也 一曰溲水爲潛從水替聲 昨鹽切

涉水也者玉篇潛水中行也廣雅潛沒也宋書胡藩傳全鎧入水潛行三十許步方得登岸晏子冶少不能游潛行逆流百步順流九里 一曰藏也者易文言陽氣潛藏又曰潛之爲言也隱而未見行而未成書洪範沈潛剛克詩

正月潛雖伏矣 一曰溼水為潛者釋水漢為潛郭注書  
曰沱潛既道音義云有水從漢中沔陽南流至梓潼漢壽  
入大穴中通峒山下西南潛出一名沔水舊俗云即禹貢  
之潛也水經注澆水云劉澄之云有水從阿陽縣南至梓  
潼漢壽入大穴中暗通岡山郭景純亦言是矣岡山穴小  
本不容水水成大澤而流與漢合又注潛水云潛水蓋漢  
水枝分潛出故受其稱耳今爰有大穴潛水入焉通岡山  
下西南潛出謂之伏水或以為古之潛水鄭玄曰漢別為  
潛其穴本小水積成澤流與漢合大禹自導漢疏通即為  
西漢水也故書曰沱潛既道馥案此注在水經潛水下經  
之潛當為濳酈氏誤以為禹貢之潛故與經不符而說此  
潛水則了子矣禹貢浮于潛逾于沔鄭注或謂漢為沔史  
記夏本紀沱泔己道集解云漢為泔索隱云泔亦作潛潛  
出漢中安陽縣西北入漢蜀都賦演以潛沫劉注禹貢梁  
州云沱潛既道有水從漢中沔陽縣南流至梓潼漢壽縣  
入穴中通岡山下西南潛出今名復水舊說云禹貢潛水  
也郡國志犍為郡江陽下注云潛從縣南流至漢嘉縣入  
大穴中通剛山下西南潛出庾仲雍云墊江有別江出長  
壽縣即潛水也括地志潛水一名復水今名龍門水源出  
利州縣谷縣東龍門山大石穴下也元和志縣谷縣本漢

葭萌縣地潛水出縣東北龍門山書曰沱潛既道是也又  
云龍門山在利州縣谷縣東北八十二里潛水所出寰宇  
記引梁州記蔥嶺山有石穴高數十丈其狀如門號為龍  
門輿地紀勝龍門洞在縣谷縣北凡為洞者三有水自第  
三洞發源貫通兩洞下合嘉陵江此即潛水也胡渭曰梁  
州之潛一而已漢廣漢郡有葭萌縣蜀改曰漢壽屬梓潼  
郡故郭璞云西南至梓潼漢壽縣入大穴中即樂史所謂  
三泉故縣南有大寒水西流至龍門山入大石穴者也晉  
改漢壽曰晉壽故庾仲雍云墊江有別江出晉壽即潛水  
太元中分晉壽置興安縣隋改曰縣谷唐因之故隋志云  
縣谷縣有龍門山元和志云潛水出縣谷縣龍門山明改  
曰廣元縣故近志縣東北有龍門山潛水出焉縣名五變  
其地一也今縣北有龍門洞王象之輿地紀勝曰龍門洞  
在縣谷縣北凡為洞者三自朝天程入谷十五里有石洞  
及第二第三洞有水自第三洞發源貫通兩洞下合嘉陵  
江渭按此即禹貢之潛水也然廣元舊志云源出縣北一  
百三十餘里木寨山流經神宣驛又南二十里經龍洞口  
至朝天驛北穿穴而入嘉陵江與括地元和志不同意  
者木寨山乃水自沔陽來之所經而人誤以為出歟元和  
志龍門山在縣東北八十里今以舊志所言考之木寨山

南十餘里為神宜驛又南二十里為龍洞口又南二十里為朝天驛去縣八十里恰與龍門之里數相符蓋朝天驛之穴即龍門山之穴也其輿地紀勝所謂自第三洞發源貫通兩洞者即舊志所謂經龍洞口至驛北穿穴而出郭璞所謂入大穴通峒山下西南潛出者也自此以下歷昭化劍州蒼溪閬中南部蓬州南充合州至巴縣入大江禹通謂之潛後人稱為西漢水至唐又稱嘉陵江而潛之名遂晦其水出隴西西縣蟠豕山者自為嘉陵江之發源下流與潛水合而潛水實不出於彼也

**淦** 水入船中也 一曰泥也從水金聲 古暗切

一曰泥也者本書沈濁黝也諸書借沈字莊子達生篇沈有履注云沈水汙泥也漢書荆法志山川沈斥顏注斥即斥鹵沈即川澤風俗通山澤篇沈澤之無水斥鹵之類也或通作涵廣韻涵水入船

**浮** 浮也從水乏聲

浮也者漢書郊祀志 泛泛溟溟從高旂

**浮** 浮行水上也從水從子古或以浮為沒 似由切

浮行水上也者廣韻浮人浮水上一切經音義十七江南言拍浮為浮淮南說林訓舟覆乃見善浮經典借游字華嚴經音義游浮於水上也列子釋文浮水曰游廣雅浮游也爾雅順流而下曰沂游孫炎曰順渡者順流也書君奭若游大川正義游者入水浮渡之名詩蒹葭遡游從之傳云順流而涉曰遡游周禮萍氏禁川游者注云備波洋卒至沈溺也祭義舟而不游緇衣故大人不倡游言注云游猶浮也莊十八年左傳閻敖游涌而逸杜注游涌水而走列子黃帝篇能游者可教也注云浮水曰游文子善游者必溺符子惠子曰有一人溺流而下呼施救之施應曰吾不善游方將為子告急於東越之王簡其善游者以救子可乎韓非說林篇假人於越而救溺子越人雖善游子必不生矣淮南地形訓食水者善游能寒高注魚鼈鸞鷲之屬齊俗訓游者不能拯溺手足有所急也詮言訓渡水而無游數雖強必沈有游數雖贏必遂說林訓游者以足蹙以手抃不得其數愈蹙愈敗及其能游者非手足者矣說

苑今舟中水而運甚始治裝衣而下游乎後漢書馬援傳  
男兒溺厥何傷而拘游哉注云游浮也劉氏新論貴速篇  
湍波漂人必奔游拯之南州異物志合浦有民善游兒年  
十餘便教人水求珠又云合浦之習水者善游入如沈龜  
出如輕鳧唐書柏良器傳擇弩手善游者沿汴渠夜入通  
鑑商胡以巨舟濟河北兵至中流悉殺之有獸醫游水得  
免又云高仁厚募善游者鑿賊舟又云李歸仁為郭子儀  
伏兵所敗游水而逸又云韓晃將王栖曜游汴水夜入寧  
陵城古或以浮為沒者方言潛沈也游也郭注潛  
行水中亦曰游釋言汎游也郭注云潛行游水底

浮或從因聲

一切經音義十一泗正字作浮說文云浮水上者也  
說符篇人有濱河而居者習於水勇於泗申鑿政體篇濟  
大川者太上乘舟其次泗泗者勞而危乘舟者逸而安南  
齊書張敬兒傳乘舡艦過江中江遇風船覆左右丁壯者各  
泗走御覽引袁山松白鹿詩序荆門山臨江北岸有一白  
鹿泗過注云泗音囚言浮過也顧炎武曰越世家乃發習  
流二千習流謂士卒中之善泗者別為一軍索隱乃曰流放  
之罪人非也庚信哀江南賦彼鋸牙而鉤爪又循江而習流


履石渡水也從水從石詩曰深則頽力制

履石渡水也者楚詞九歎櫂舟杭以橫瀾兮注云瀾渡也  
由膝以上為瀾也經典通作厲詩有狐在彼淇厲列子說  
符篇有一丈夫方將厲之注云厲涉水也史記司馬相如  
傳橫厲飛泉以正東正義厲渡也後漢書班超傳超更從  
它道厲渡注云由帶以上為厲馥案諸書皆本爾雅與本  
書異詩曰深則頽者邨風匏有苦葉文彼作厲傳云以  
衣涉水為厲謂由帶以上也釋文引韓詩至心曰厲釋水  
濟有深涉深則厲淺則揭揭者揭衣也以衣涉水為厲絲  
膝以下為揭絲膝以上為涉絲帶以上為厲馥案鄭注論  
語由膝以上為厲戴君震曰詩之意以水深必依橋梁乃  
可過喻禮義之大防不可犯若淺水則褰衣而過倘不濡  
衣水經注云段國池州記吐谷渾於河上作橋謂之河厲  
此可證橋有厲之名衛詩淇梁淇厲並舉厲固  
梁之屬也就茲一字爾雅失其傳說文得其傳

頽或從厲

水上人所會也從水奏聲  
合奏切

水上人所會也者一切經音義十一字林湊水上人所會也湊亦聚也廣雅湊聚也賈注國語湊聚也王注楚詞湊聚也周書作雒解以為天下之大湊注云湊會也燕策士爭湊燕漢書溝洫志水行地下湊澗上徹謝靈運山居賦眾流所湊



沒也從水甚聲一曰湛水豫章沒

宅減切

沒也者論衡明雩篇變復之家以久雨為湛久陽為旱旱應亢陽湛應沈溺漢書五行志左氏昭公二十四年十月癸酉王子鼂以成周之寶圭湛于河史記河渠書塞長焚兮湛美玉經典借沈字廣雅沈沒也小爾雅沈沒也書洪範沈潛剛克詩菁菁者莪載沈載浮襄十八年左傳沈玉而濟定三年傳執玉而沈尚書大傳沈四海周禮太宗伯以貍沈祭山林川澤覲禮祭川沈釋天祭川曰浮沈戰國策城之不沈者三板又學者沈於所問一曰湛水豫章浸者周禮職方氏正南曰荆州其浸潁湛鄭注潁宜屬豫州在此非也湛未聞馥案本書豫章浸當為豫州與鄭說合地理志荆州瀋曰潁潁潁注潁水宜屬豫州許慎又云湛水豫州浸並未詳也丁君杰曰職方荆州其浸潁湛豫



古文

州其沒波滎潁周地理志因之鄭康成注周官未聞潁水所在又誤以波為滎播而疑潁宜屬豫滎宜屬荆於地形頗合不知說文已證周官地理志之誤矣說文潁潁州浸潁潁州浸潁水出河內軹縣即河水篇中所云東逕平陰縣北湛水從北來注之者與豫州之浸渺不相涉襄十六年左傳楚公子格帥師及晉師戰于湛阪注云襄陽昆陽縣北有湛水東入汝土地名昆陽縣北有蒲城蒲城北有湛水水經注汝水云湛水出犍縣北魚齒山西北東南流歷魚齒山下為湛浦方五十餘步春秋襄公十六年晉伐楚報楊梁之役楚公子格及晉師戰於湛阪楚師敗績遂侵方城之外今水北悉枕翼山阜於父城東南湛水之北山有長阪蓋即湛水以名阪故有湛阪之名也湛水又東南逕蒲城北京相璠曰昆陽縣北有蒲城蒲城北有湛水者是也湛水又東於汝水九曲北東入汝杜預亦以是水為湛水矣周禮荆州其浸潁潁鄭立云未聞蓋偶有不照也今考地則不乖其土言水則有符經文矣郡國志潁川郡昆陽有湛水元和志汝州龍興縣湛水在縣東三十里

灑

沒也從水鬲聲

於真切

沒也者集韻湮沒水中也廣雅湮沒也釋詁湮落也郭注湮沈落也

灑

沒也從水從人

奴歷切

沒也者玉篇引孔子曰君子休於日小人休於水今禮記緇衣作溺注云覆沒不能自理出也方言出休為拊又云湮休也廣雅湮沒也又云溺沒也釋名夙於水曰溺溺弱也不能自勝之言也詩桑柔載胥及溺樂記姦聲以濫溺而不止真誥有人拜河水何伯教以水行不溺法徐鍇本有讀與溺同四字

灑

沈也從水叟聲

莫勃切

沈也者沈當為湛本書湛沒也叟入水有所取也顛內頭水中也小爾雅沈沒也僖四年左傳昭王南征而不復高注戰國策引作沒而不復唐石經笏增沒字襄二十四年傳何沒沒也杜注沒沒沈滅之言莊子達生篇若乃夫沒人則未嘗見舟而便操之也注云没人謂能鸞沒於水底說苑不臨於深淵何以知沒溺之患

灑

沒也從水畏聲

烏恢切

沒也者廣韻湮沒也廣雅湮沒也

